

روياء الحرف الفقير لله .. التحدى
 الباقي ٤ كتاب الأراجوزات
 صريفة تشبه رسميه تشبه شعبية
 كفران عيون الباقي .. ليلقة هوت الحلواني الى بني
 ربا عيتات عيون الباقي
 قيس التتويج
 احم
 صريفة تشبه رسميه تشبه شعبية
 كفران عيون الباقي .. ليلقة هوت الحلواني الى بني
 ربا عيتات عيون الباقي
 قيس التتويج

الكاتب وس

الشمس خائفها جبال الفيوم
مش قادرة تهرب من شباك الهموم
إمبارح المهزوم بينحر في بكره
ويكره بينكر نفسه خوف م اليوم

○ حلت يارب خير
إن التاريخ أصطفاني بشير .. وجنتي ..
مع إني مش مجنون ولا مجن
أنا الجيلة اللي طول عمرى لسانى مسن
زلزل كياني وكادني بالخيال الفن
أجبرني أقول أشعار بلا لازمة ..
لا تشد عزمة
ولا تشفى عليل أزمة .. ولا تفتح عصي لآبواب ..
ومتين تحبيب اردان لأحزان الكلام الصعب
والصدق عصّة كلب - يا كذاب ..

○ وأنا شيخ بلا مردين .. قسيس بلا أصحاب
الكل شاييل منى وسلمنى للأغراب ..
واهل القلم والقرابه ما فسروش أسباب ..
أنا أصلى لما قربت ع الشيخ قليل الرزق ولقندى قليل الحرف ..
أصابنى خزانهم ببعض الشوك
وبعض من كدر الصور والحروف وبعض الخزن ..

○ قام زى ما تقول الحجاب انكشف
شفت النجوم بهتت على جفونى
وميمة النيل فى حلقى كإن ماء النار
نفسى إختلف جوه صدرى
لقيتنى تايه ولا ف سرداب فى عرقانه ..
جدار ملج وحيطه ..
قبوات ملامحها العصور الرسيطة ..
متحملة بالقلل ما هيش بسيطه ..
سمعت عز الديب فى زنتانة
فى ساحة السوق ما بين اللوق والعتية ..
صوت قنبلة فى المتحف المصرى .. وهجانة ..
غشائى أشبه ما يكون دخان ..
حشيش وحلقا - جثث الحروب القديمة
مناخل الأوطان فى حرب الكواكب - دوائر المزروع
والملاعب البلدى والجامعة ليلة إغتصاب لبنان .
شئ من ذكريات هيروشيما والنكسة.
عيون طفله على باب وطن محروق ..
صوت اغتيال شاعر حياته حروفه مصرية ..
الضبعة وتشيرتوبيل ديروط فى عصية ..
صل السلام الى بلا قسّة قصاد السيف ..
فجاء وكأنى حربى م السينما فى عز الضهر ..

لمدن عارفها بس صابها التلف
أو يمكن كغور في الريف ..
خارسه ولا يتقول ولا يتزعق ..
الكل فيها .. حتى الأكل بالمكتة ..
لا تفرق العمة من الأزرق ..
ولا الخلف م السلف
ولا الولاد م البنات ..
ولا الصقور م البط والعصفور
ولا مرسم الفنانين من حنجر الشكات
صابني ملح وانكسار في القلب فرهدني..
روحي اتخطف مني .. والأسفلت قرقضتي ..
ما بقتيش عارف أصلى من فصلى
رغرف براق النبي على جرحى جناحاته .. وزكص لى
ومريم المجدلية دلذت لى الطيب على تصلى
والخضر بص بص لى..
نادانى باسمى اللى أنا من حسرتى نسيته ..
فتح القلق والرعب ياب السما
شفت الملى ضلمة وأنا معتم
أعسى ومثلتم بالتحجيج بالخوف - من عدم الشوف ..
أهونا تقم وقام بخرنى من نفسى ..
(ماعدش مناص)
ورشتى وكأنه بيرشبنى

(قوم يا عديم الأهل .. يا مسكين .. حتيتم ..
الرؤيا ثبتت على دمك خلاص إقبل)

ومصص لى ..
والشيخ جاب اليسرى .. حذر عزوته منى ومن أصلى ..
وبانت كراماته فتهمنى
باسم العلم فى دينى ..
وواجهنى ويا جماعه من الخواجات وعقص لى
صحنى بإشارة جميع اللى اختشوا وماتوا
ووقف تيسم لى قهقه لى فى بداية الفيلم ..

●●●

(وانزل بالتعيرات .. على موال نص قديم
وغشيم من أيام الصبا والحلم .. وبركات المليم ..)

□ يا مصر حضنى قردته على الغيطان شالها
ودراعى لما نطرتة حطها وشالها
وقطعت حر الجبل نجم السما لحافى ..
مشيت طريق الشقا ع الشوك عليل حافى
لا طلعت يوم تخلصى ولا ضل صنفاسى
لكن عشان بسمتك يا بلذنا تشقى لها

●●●

فى البدء كانت كلمتك آيتك
كان الصليب واللال وشمين على رابتك
م الوقتى آه الألم ح تحز فى رقتك
مكدوده يا وعلا من مهتداك لنهايتك ..

(صوت الألم يهين يتفوز
فى صوت غريب الثيرة والتشكيل
غله كانه حزن بر النيل .. ومتميز ..)

○ إلا انه ما ح تريخش
الدنيا اللي انت عيشتها قفش ما هيش ح قومت
لكن ح تشيخ وتغوخ ..
راح تستبدل شيخ الجامع بأمبر ميكانيكى
وأستاذ الجامعه بمراية نحاس ..
الشمس اللي بتعرفها ح تبرد وح تطفى وترنخ
ح يطلع غيرها من جوف البحر البائس ..
هوا أقتل م الزبيق بيخريش وش اليايس .. وجفون الأطفال ..
ميه راكده بتطفح بالخزون البائس ..
طفل بيصرخ من غير صوت ..
بحر بيطرده أسماكده وبيزئخ
طير بيرقرق على وش العتمه من غير ما يطير
عصافير ساكنه وخايفة طلوع الفجر ...

○ مش راح تثبت رؤية أى هلال ولا راح يكمل بدر
ولا راح تلون فساتين ولاح تنور فوانيس
ولا فيش طاقة قدر ..
كل الألوان رمادية والطعنة الشرعية فى الضهر ...

(الساعة اتناشر كانت عز الصبح ..
والقجر ملطش بسواد نص الليل ..)

○ الجنس ح يصيح من غير لمس
ولاح تفرق بكروه يا كافر من أمس ..

○ الدلتا من حق باكستان
مادمت دماغك بقى سجادة إيراني
والمس اللي ورتته عن ستك ..
بادلته بعمه أفغانى ..
وصبح المحتجر م الأركان الخمس ..

(قهقهة بعدها قطع موازى ..
ونهار خارجى
على سما مليانه بتجوم فى عز الضهر ..)

○ الدولة الآله واح تبقى إله
له جته وله ملكوت ..
ح تدرونا على إيد بعض نموت ..
تفرقنا تقرينا تفريلنا تفرينا تبني بنا رهبوت الكهنوت
وتسرنا للأجل الموقوت ..
مينحنا الحرية نختار المشتقة يا التبتوت ..
تصلينا خلف خلاف على أشجار التوت ..
لكن فى كل الأحوال
ح تفرهدنا ورا غرافيت القوت ..
وتحيرنا ما بين حزن بؤونه وحسرة توت ..

وَيَحْتِ خُدَى عَلَى يَدَى .. مَا عَيْطَش
وَشَرِيتْ خَمْرَةَ تَدَى نَيْلِكَ مَا رَوْتَشِ
أَنَا يَا لَلِى مَقْطُومَ عَلَى حَزْنِكَ مَا فَرَطَشِ
لَأَنْ فَرَحَكَ بَيْنَ دَهْجِكَ مَا رَوْتَشِ...

(قطع ونهار داخلى ...
فى قلب شجرة اجتماع تاريخى ملبد بالكذب وبالدهان...
ومنصة ..)

○ كل مواطن حر ..
يتفج ويضر ..
مادام يستوفى الدمغه..
يكتر على كيفه ويقل
يصو يقر
يحرك يفرح حسب الإمكان ..
يعيش على حل شعوره العيشة المر
معاه دستوروه يزعم فى أى مكان ..
ونكرز
فى أى مكان ..
إلا الاحزاب والنقابات والجامعة

(الكاميرا تركز على ضحكك النسوان ..)

○ يعمل ما يباله ويكل سمحت ما احواله مبالغة ..
يتعري يتشقلب ..
ياكل لحم عياله ..

ينقل أمراضه السريّة لأطفاله ..
 يزيف تاريخ الثورة ..
 ينسى تاريخ الفن .. ينتجن
 يستبدل أحلامه وأمثاله ..
 يعبد ريتا أو يعبد رساله ..
 يصلى بكل لسان يخطر على باله
 ○ مش علشان ريتا يسترها معاه ويبارك له ف أعماله .. لا ..
 ولا علشان ريتا يغفر له يد ف أجله ويعدل له أحواله .. لا ..

(كلوز أب كبير على إيد بتسيح وأيدين بتكبر
 وشقايف تهمس مع ثقلة طويله لمناظر سوق الجمعه ف
 ملكة أمباهه ومركب اوتوبس جمهوريّة أحمد حلمى ..)

○ ح يصلى لصاحب القهوة .. ولسواق السرفيس
 لضابط أمن التلفزيون ورئيس التحرير
 لمدير البنك العربى ولقدر التدميس ..
 لساعات تسجيل المواليذ والمواعيد وللوريات البوليس
 للشيخ اللى بيدن نص الليل ..
 لنادى السيارات أبو دقن ودبل ..
 لأمين عام الحزب الكذاب
 ولشيخ الحاره والمخير والبواب
 لآخر واحد فى طاوور العيش الفيتو
 ح يصلى للى بيعيته وللى مطلع ملاينيه ..
 كلنا أفرادا أزواجاً وجماعات ..
 راح تستندل على بعض لتبرير الأزمه ..
 وغارس كافة أثار النفايات اللزبه الحمضانه .. المدفونه ف جوف الأرض..
 كل الشهوات المجهوله والمعلومه ح تطفح ع الجلد البشرى
 كافة عواطفنا العاديه البدائيه
 أفراحتنا مخاوفنا الروحيه والماديه
 ح تبدل ملامحها وتسترجع روحها الفجرى ..
 من أول ما ح نخرج من بطن اماتنا قبل ميعادنا مبتسرين
 لحد ما ح تموت على غير ما اتعودنا متتحرين ..
 خسرايين الدين بالدنيا وخسرايين الدنيا بالدين ..

(قطع / ليل داخلى مظلم كحل
 كعب المزمه يرن ف نافوخ الصدى غرقان فى ضباب متغير
 شعر أسود زى دقون الماعز فوق قبضه بشريه
 بتدق بقوه غجريه على ظهر منصه عليها كتاب ...)

○ الفيروس ح يسود العالم..
 يبدل نظريات الجدل التاريخيه والشعبيه والتسيبيه

يسيطر على كل الفتحات والدعاليات والأغشية والأغطية
والمراسير ..

(نار يتوج ويتلهب وش الشاشة .. وأول صف ..)

○ ح يرسم فى الخطط الرسمية خطوط السير

(صفارة إنذار وسراير عربيات الشرطة الدولية ..)

○ ويعلننا جميع الأساليب العصرية
والتكنيك المتقدم
والإبداع الأغرب م الأساطير ..

(طوابير أفران العيش البلدى ..
طوابير المدرسة والأمن المركزى .. طوابير السينما والانتخابات
طوابير الهم الأبدى ...)

○ الشر اللى ح يكسب باسم الخير حيكون هو بنفسه الخير !

(قطع نهار ليل داخلى خارجى مش راح تفرق ..
فالعالم فى دمه بهفرق. ..)

○ المجلد البشرى ح يستبدل نفسه بحراشيف ..
والشعر بليف ..
والشعرا الصبيان بحمير ..
وقصائد المتننى بالفوايزر ...
الريف مش راح يفضل زى ما كان فى الريف ..

(أصوات لها طعم الألومونيوم لما تعفن ميكروفونات
آخر الليل ..)

○ المدن الحديدية حتبقى بأسوار حديدية ..
وبوابات كهرومغناطيسية وحراس أوتوماتيكين
كل فصول الأرض ح تيقى خريف ..

(حاجه تحزن
قطع فجائى .. والشاشة تضلم ..
صوت وحدانى بينهنه فى الضلمه
كما العادة فى السينما الهايطه ..)

○ هو لوحده ح يفضل على حاله .. مهذب ومؤدب وشريف ..
 مع إنه يرماتى بيجرى تعديله وتطويره أو استبداله ..
 وحده بيقتر جلدو ويبدل أقواله ..
 وحده صاحب كل العزة وحاولى كل اللذة ..
 الفاهم والمتعلم والتاعم و (الأجريسيف) المتكلم
 الطاغى الأمر تاهى القارى الفرد الفرد المتعلم .. العالم ابر العريف ..
 الى بيفتى فى الكل كليله
 من أول حكمة تزويج القُصّر للفرض الواجب ع العمله الصعيه
 والكل معاه .. بيعدلوا عليه أنفاسه
 يهتفوا ليه ويوزوا عليه أعداؤه وحراسه ..
 مرعوبين من صدقه تجميع م التيه أشلاؤه ..
 مع إنه أكثر منهم ما بيعرفش ..
 إن ايام الرعب الأسمى لسه ما جاتش ..

(موسيقى عتيقه فجائية مفاجأة بعدها ناي ناعم
 أشبه بكممنجة بتشبه فى اللحن المزيجك الللى بتركب
 على كادرات الموت الرهائى فى الأفلام الميلودرام ..
 أو على كادرات الحب ف لحظه ماتتفرق بين الحبيبين الأيام ..)

○ لسه ايام الرعب ما جاتش ..
 نعطش ونخاف نشرب ميه ونجروح ما نتشاهش الأكل ..
 القوطه الورد ملقحة ع الجسر وهاريها البود
 الملح بيرشح من ثمر الخوخ
 البيت الأبيض ح يخشه السود
 الرجاله ح تخلف لكن غريان وقروده ..

(شخايل تنوره وخليط ألوان توت على نبوت إبتسامات
 وزوا فى جنازة موت على جس صاجات وأمانت .. من لوق
 الكاميرات يتركز على أفخاه دقنق وشفايف شريهان ..)

○ لسه ح تتخوّد ع الموت ..
 تعدى علينا جت الأهل المنفوخة على وش المية وما تبكيش
 - عادى جدا .. ما تخبيش إن ضوافرك صارت خرابيش
 وانه ف دقنك طالع لك ريش
 ع الصبحه ح نطط ويا الأموات الطازة ...
 تنسى الفاتحه تغلط فى ايانا الللى فى السموات ..
 المدرسة ح تكون القرن لحرق الجثث الزايدة عن الحاجه
 التخل العاقر ما ح يطرحش سوى النوى والليف ..
 الميه السوده ح تقطع خلف السادة والحلايف ..

○ لسه ايام الرعب ما جاتش

(دوامات مش شكل الميه .. وعراصف مش طعم الريح ..)

○ مواليد بصايع سبعه

رجاله بروس خرفان وحرافر
أطفال بردان أفيال وإرانپ ..
نسون عربانه پست ابراز
فتيات لها خصيات وشوارب .. مادقتش جواز ولا قدرت مرة تحيض
شبان بتبيض وطالعالها مناخير جار المناخير
ما عرفتش الخلفة ولها دقن معيز
لا قعدلوا ف ضلة شجرة جميز
ولا عرقوا الحزن ف ساعة ما الشمس تغيب
ولا فرجة قمر اربعتاشر فى شهر أبيب
ولا داقوا الحب لأول مرة زى التلاميذ .
ولا حسوا برعشة أول نظرة ..
أطفال عواجز بهيون ما بتشوفش
وايدى ما بتطولش واستان طياشير
ولسان ما بيتطقش لغات الإنسان

○ لسه ايام الرعب ما جاتش

(يرتعش الكادر وطبل يدق بقوة غجرى بدائى بروجى
ثانثار يفرش على كل مساحات الشول من عمق الكادر
بتحكر زوم أفواه مفتوحة من الخوف ...)

○ وزرا برجلين غربان ..
أصحاب أعمال لاهسين جلد رهيف وحرير
ضباط لها مناقير
فقرى باكباد مخرومه ويواسير
غيطان حاشفه وتاشفه وعاجزة تحمص سيلة قمح أو ترمى حشة برسيم ..
أهرامات مهدومة .. أمم مهزومة
أنهار تاسيه تفيض

○ لسه ايام الرعب ما جاتش

○ رعب المروع المتعلب فى ورق السلوفان
رعب الموت اللى ما لوشر فى الآ ..
اللى لا تقدر تغلت منه ولا تنساه
الموت اللى بدون حزن ودون تعديد
واللى بيكّر الخلق بذال اللمع صديد .

○ لسه ايام الرعب ما جاتش

○ رعب الشجرة من الطرح اليدري الجايب .. ومن العرد الناشف
رعب الإنسان الخايف معدوم الخيلة المكروه عيلة وقبيلة
اللى بيرضع لهاليب الغل القيلة حسب النطق وحسب الألوان
واللى بيتغذى على سم الخلف ما بين الأديان ..
فشاخ ع الحبز القلقان عيان مش شايف

ومعات مرعوب م المسرح ومن الشعر وم التسوان ..

(طبل كانه الطبل البلدى .. وشبه دمدمة الزلزال ..
نبض ما يشبهش لنفض القلب وشبه له ..
صوت مشروخ طالع من كل الأركان ..)

●● إسمع يا آخر أجيال المنقرض المدعو الإنسان
بكره ح تسمنوا دموع الفرحه وأغنيات الأحزان ..
فى كل مكان ..
ح تشوفوا الأزرق فيروزى وصافى وناعم شفاف ... لكن معطوب
والشندور متكور متساوى .. لكن معيوب ...
والفارح كامل متسكن متكامل .. لكن مقلوب ..
والصلب حديد الملمس .. ناشف ومؤكد .. لكن بيدوب ..
والفنى أصيل موهوب ومؤثر وشديد الانسانية
... لكنه كلوب ...
بيلهيكم عن أيامكو الهائيه الأسود من قرن الحروب
يتسربسب فى عروقكم من مواسير الميه ، ومن أسلاك
التليفون، من الخراطيم والبلاعات والخياشيم ...
من مكتة عصر القصب اليدويه
م العيش الأفرنجى وميكروفونات الجامع
م الإبر المغليه
من شاشات التلفزيون ودواير إرسال الفاكس
وستاير المسرح
.. بيسيل وبأ لعاب الأطفال الرضّع
يرشح من حيطان خزانات البنزين ..
من أرضيات خشب المستورد ..
من بوابات المدن الحره ومهرجانات السينما ..
من ورق التنشيف والتغليف
من سكوت ولبان الأطفال
من أقراص الطعميه وف أكياس النايلون ودقون حجار الكتب الدينيه
مع لبن الأم
.. فى لحمة أيام العيد الصدقه .. وبناات الكيبوتزات
من صناديق الانتخابات وأستت العمازات
مع شهادات التسنين
فى لى الشيشه وف خطب الجمعة ..
فى صلوات الحد وعلب الرجمه ..
فى مية بركة وانايب معاجين الأسنان ..
فى بطايق امتحانات الجامعة، فى البيهر ستيل
فى حمامات الساونا وتراكات الجرى فى نادى البشوات
من أنفاس الزحمه الشعبيه
فى نسمة أمسيات الشرقات السحرية
على كل شطوط الشاليهات البحريه ..

●● السما تتكور وتسيل
تنزل مطره مش مطره ... الدنيا ما يقتش تظفر
البحر يا دوب يتعكر
النجم الثاقب يتكدر والأبراج العاليه تقيل

وكرات الدم البيضاء يتكسر
من ثم وينفجر العهن المنفوش
الكون مش ح يموت لكن ح ييوش
وتتزلزل م الرعب تيجان وعروش.
الأرض ما ح تطيقش نفسها المكروش

● ● يبلغ دميّاط البحر المتوسط
يفز الشيخ البدوي ويفزع في الأسرى ويتعقد الديوان ..
شي لله يا اهل الله ..

ظهرت بقرة موسى في العياط
الدلتا بتفتح سخونة وشياط
يفطس فرس النهر الخايب
ويشع الطين الأسواني ...
ويؤت من قهره الخلواني اللي يتاكي يا مصر ..

(إظلام تام واللون مش لرتك والضوء معتم بين المغرب والمغرب
همهمه تمتمه عنتمه شمشمه غمغمه وكلام
مايشبهش لأى كلام ..
وسكون يشبه لسكون أول ليّام .. صامت مزلّم)

● ● وحده الضفدع باقى راقد ع الدفتر
بيتمم ع المحضر
ويخفى عورته بزبيته ..
ويقسّمها لمسلم ولأقباط
يحسب أحلام الفقرا بالمارك الألماني ..
وقصايد الشعرا بالأبناط ..
يحرق قلب الدنيا على جسر الرعب الرباني
وهو بيتشفها قبراط بعد قبراط ...
علشان يحرمها من حلم الإيمان البشرى ..
الطالع من ليل الإحباط ..
مع شمس جنون الإبداع الاتساني !!



توقعبر ٩٢

مارس ٩٢

سبع حجج للربح المشروع

١

كانت دُغميشة الصبح بتتاوب نعسانه في عيونى ..
شفت الشمس قريبة على مَدَّ إيديه ..
شدّيت أوتار الشعر الفرحانه
قلت .. يجوز الجن اللى مواعدانا ح تحضرنا
تلكم قرايت القلب تقوينى على طنونى ..
والنيل ويأتا يشد حبال الخيل
نتلّبر رزق اليوم
ويحمى جلد قسايدى من الخرابيش ..

دهمتنى الخفافيش اللى ف قزّت أطفالى بيقاسمونى ..
غمونى ومن ريق الكلمة الحلوه اللى بتتقرّب بين
أولاد الكار .. والحارة حرمونى ..
يا فتاح يا عليم .. وعمونى ..
عن البسمة الدقيانة المتعشّمة فى اللقمة الشبعانه ..
اللى بتضحك لما تشم رغيّف العيش ..
يا رزاق يا كريم ..
إستفتحت طريقى فى الزحمة نداله ..
وانا باتعوى متأكد بالسواس الخناس ..
اللى مقوينى على الناس الطهقانة بالعرق الواطى
الدساس
اللى يزيد النفس المتهانة عواله ..
ويسلّحنى بجنونى . !

●●

٢

□ .. ليه يا زمار الحى خريست وكنت لسان ..
إتهندست إتمريست فختست ..
بتخريش بضواقرك ليه فى الدخان ..
والآ يتست فقايست
بتبرق فى الناس الغلبانه العين الحمرا
تتوعدهم بجهنم أو بالطوفان ..

مش كنت زمان شادي الألحان ..
 بتوكل بين ألف لسان ولسان
 وتكحل عطر الحرية برמוש الإنسان ..
 والطوبة جت لك في المعطوبة
 فقلت التوبة السن جبان ..

يا ترى ح تسبب الأيام الباقية للصدفة ...
 وزي زمان
 الذكرى كفيله تفرق كل سقاين أحلامك في بحور التسيان
 والاح تعيش وتهيص ..
 متعلم متأدب متهذب وحرص ..
 تاخذ المتاعيس بلذوب المتاجيس
 تبيع الغالي رخيص
 والصعب العاتي باللي مواتي ولو (صيص) !!

والاحسبت الحسبه بحسب الإمكان ..
 تراهن على موتى بحياتي ..
 وتفتح لك دكان ..
 حتى لو تخسر (صولد) الحاضر والماضي والآتي ..
 في رهان الحلف المتسلح بين الأديان !!



السلطان العايق رايق على مركب من ورق السلوفان
 بيطلب رحمة رب الكعبة الجبار
 ويستجدي نزول الأمطار
 بيدعي السما تغفر ذنب الفقرا
 تخف عذاب القبر عن الإنسان
 والصعرا تغيت العربي من العربي ..
 وابن العاص يحمي أميه من تخاريف أبو ذر
 يوصل جورج الأيتام الأتعام ..
 بحبل ولي الأمر
 المهدي المنتظر الحنان المتأن الآتي بخيرات الرحمن
 الواصل بين سدرة جزر الباهاما ..
 وحساب الجنة في بنوك الألمان !!



منك لله يا بنتك الأحزان ..
 ما شبعتش سخره ومكوس
 ما شبعتش حتى فى سنين الوفرة من آهات الحرمان
 طبل وزمر وخمر ونسوان وفلوس ..
 قوت البدو عليه ووُزيت على شجرى السوس ..
 وليت اولاد عثمان على ينوع الزيت ..
 حكمت الفرس ف آل البيت
 فاكرنى بكافة كرابيج القهر ويتحرصنى على النسيان ..

انفجرت نجمة أملى ف كفى من العجز صرخت ..
 شى الله يا سيدنا عمر - شى لله ..
 ما عاد الصبر ح يكفى يا ولداه ..
 الأرملة ماتت حاضنه الطبق الفقار
 فاضى ومكفى ..
 مش لاقية المية تغلى لأولادها الحلم حجارة وغموس ..
 بيلاحقها رجال الحرس الثورى والأمن العام
 من روم ومجوس
 بيحاسبوها على قهر أيام العز زمان
 لما الجزية كانت تلحس عقل الأشراف .. ينتجتوا
 فيقطعوا لحمها للفرسان .. عريان ..
 ويصلوا صلاة الهداية نكابه فى الأوطان ..
 من رعيها مارضيتش تعاتيك وانت على المنبر ..
 ولا تبليك بهمومها وانت راميها فى العنبر ..
 طول عمر اولادها بيستتوا
 مابين حد الخوف والجوع .. وسيوف الإيمان ..
 عثمانيين فى رب الإنسان ..
 يسترها بعقل السلطان وبركة أهل الديوان ..
 وكرامة أهل زمان ..
 حتى لا يختل ف بر النيل الميزان ١.

إنزل يا مطر
 رعى يا دنيا على كل الصفحات الكذب حروف وصور
 إخضرى يا دقون الأطفال ..
 إتشغى لينا عند آيات الله فى النور
 تحمينا الضلمة من كل خطر ..
 هزى يا مصر إليكى بكل تخيل الدنيا ..
 مش ح يكون العالم أسوأ منه ف ساعة زلزال ..

ولا أجهل منه عقل بقر ..
تَمَرَّ الحزن ف وقت الشدة بقر ..
طول عمرك بحرك أزرَق من كل بحار الدنيا
غيطانك أخضر من ورور فجَل الفقرا
وساكي أصفى من نين عيون الطفل الأول ..
ولا كان لنا عشق سواكي
ولا ح يكون ..
لا الضلمة بتستر عورة مين بيخون
ولا الصحرا ح تغَيَّر منك لون ..
ومهما الجهل اتخفى وطل عليكن من الصفحات الصفرا
خيام ودقون ..
راح تفضلي زى ما كنتى نهاية كل سفر
بداية كل كلام
بتت الفقرا وست الأمرا ونيل الأحلام
حتى قيامة هذا الكون ..
وموتى عليه فداكى يهون ..
ولا أخسر حبك على آخره لأيام ١.

• •

٦

أنا مستغرب نفسي ..
الهاتف لما نادانى فى عزِ الضهر
ما شاقنيش ..
مع إتنى شديت أوتارى
حضرت الجن اللى يلوئى بأشعارى ..
لكن النيل والشعر فاتونى
بالهم مشغول عن حبي بهوم تانيه ..
خلوا بية وبين أيام الحزن الجنزاري ..
قلت لأصحاب الأمر يسامحونى ..
يا مرارى ..
الذاكرة بتخون الانسان فى العاده
لما يعدّ ويتذكر أيام الهنا والفرجه ..
وبتصيح لللب لما يعدد فى الأحزان الجارحة ١.

خجلنى الخوف من نفسى - زعلت ..
تيجي منك انت ؟ -
يا لى طول عمر الكون بيشكل نفسه على سنك
والوتر الفنان بيئوزن عوده لفنك ..
خجلنى نسانى .. عمانى ..
ما شفتش قمر الفيوم المخبوق على جبل القطران ..
بيفكرنى بجهل زمان أيام العشق الانساني ..

غفلت ف خجلت على صدر سؤالي ...
يا هل ترى أرمى الأيام الجانيه ف بحر الخوف المتحوط
وأكن ارتاح ..
والا أكملها متحنط بالعند اللي كواني ..
متعشم في الحلم اللي يلاتي ..
أكاذيب وزمايل ..
واتحملك من يختي المايل دون الخلق
جراح سراديب وهوايل ١.



٧

المرّة دى لما واجهت الموت
كنت نسيت تعويذة أمي ودعوتها
لما العقاريت تسرح حوالينا في دهاليز البيت
قلت يا ريتنى - ياريتها - ياريت ..
فضلت أيامها زى ما هيّه تشبه من فقرها بعض لبعض ..
عزبها كفورها من غلبها قلبها على بعض
تدارى شجرة أفراحها تنور فرحانه ببعض
تقيد كلفة أحزانها توتس بعض
تضفر أشعاري في شعورها لما تموز تتنسّم
ريحة الأرض
ترقينى من لؤم الشهنندر
ترقينى على الأعيب الأراجوز ..
وتنجينى بالصدقه - من سيف الوالى - أو بالمهموز ..

لكننى لما شفتها وأنا خايف قلت .. يا حومتى ..
هو أنتى صيرتى عجوزه دانا صيرت عجوز ..
ليه ما فضلتى زى ما كنتى زمان الوصل أمان ..
متلهية ومتهنية ف غيبوبة راحة الليال ..
فى سبوبة أكل العيش
فى أناشيد الجيش والتلاميذ وآهات موال التراحيل ..
دلوقتى - يادوبك يا اختى إنتى على أول باب الدولة الحره
بتحلى بالعملة الحره
اللقمه الخاف الحره ..
يا دوبك بتعلمي أطفالك أول درس ف الأعيب
الأسواق الحره
وفتون السبر البطال على حبل رجال الأعمال الحره
لسه ف سنه أولى خناق
وغرقتى للسره ..

لسه يادوبك على قد السيخ والسنتجه وقتينة المولوتوف
 على حد المطوة القرن غزال
 فى عطوف الوراق الحرة ..
 لسه ما جريتيش الخوف ..
 داننى يا دويك يا كنانة رب الفقراء على الأرض
 رقيتك على حموة أول سكين على سهوة ..
 فرقيعه ف قهوة ..
 ما دخلتيش دنياجنون العصبيه الجاهلة الحرة ..
 والمدنيّه الدايله ف جدل الجهال ..
 بين دجل أصحاب ميراث الشفعد وأصحاب الأموال
 لسه ما دورتيش فى ساقية رأس المال ..
 لسه يا أرض الكوثر
 يا أم الأبطال ..
 لسه تلميذه يا دويك فى أول حصه دم ..
 وأول سطر قتال ..
 لسه يتوقى أول قطفه من شجرة تسييس
 الأديان بالأموال الحرة ..
 فاستحلى يا أم الأطفال الجُمل ..
 يكفيلك المولى ويكفيننا
 شر العيشه المرّة ..
 المشدودة على شجرة ما بين قهر الجهل
 وغدر الزلزال ١٠



كراسات غير دورية

دثائر العامية المصرية

تصدر تباعا حسب تساهيل الظروف المادية والابداعية :

- نامل أن يصدر منها كتاب الأراجوزات العصرية
- رباعيات إبن عبد الباقي ..
- مواجع قصر على هوامش دفتر جبرتي
- العصر ..
- شكاوى الفلاح الغشيم عن التمثال
- المحطم والزعيم السليم ..

رباعيات ابن عبد الباقي

البحر عارى الروح صريح الغواية
بيعكس خبايا القلب كنهه مراية
سفحت عمرى على رمال الشطوط ميه
شفت النهاية فى عيوب البداية



الأرض تيكى إذا ما غريب يعذبها
والشجرة تشكى سموم الريح لصاحبها
يا مثيت العقل ليه رطبها أرض النيل
أوهام غرامها غيام خافى معايبها



سحاب ورملة بينشدوا للمنى
وبواقى شمس بيعزفوا للضى
أمواج بتصهل فوق شطوط الأزل
وأنا فى صمئى كإنى ميت حى..



مين اللى فاهم فى دا - العشق يشفينى
أنا يا للى قلبى معود إنه يرمينى
بين لحظة والتاتيه يخطفنى الجمال منى
ولا شوق بيرحم ولا شيبه بتحمينى



واقف على ملقف بحور الحياة
خايف ويادعى يارب منها النجاه
فجأة التقيتنى وسط موجها باغنى
وابكى وأنا فرحان بلسع المياه ..



أنا كنت بين البياعين .. شارى
شدت على ضلوع الأمل أوتارى
أتاريها سوء كل الساحات السوق
كاشفة البراقع لكن الوش متدارى



لو كنت يا عمر شمعہ بتنطفئ وقوت
كما وهم تايه ما بين النذل والهلفت
أنا قلبي يوماتي بيخضر بحب جديد
يعيد لشجرى العفى حله العصى ع الموت



أنا اللى طول عمرى باطع بالأمل باطله
قاطع شباك يأسه ومصحصح لإحباطه
لكنه غمى عيوني سهو وعمانى
حين ارتضيت عجزى لما حكمنى ظباطه



اللى بنى مصر كان شاعر وكان مسكين
على كل سلم رقص م الرعب دنيا ودين
وكتب عشانها القصايد سحر ربانى
واتارها أميه من جرجا لراس التين



بحرك شفيف وكائه ألف مراية
شايلين لقلبي اليكر ألف حكاية
أنا قلت أرحل فى رباح الهوى
لقتنى مقعد بين قلم ودواية ..



البهت زى الوردة بتفتح مياسمها
والعشق ماء الحياة لون مياسمها
ورا شيش ستنى ليالى الشيب بتتحسر
وتقر منى قصايد شوق محاسنها



قايم من النوم كثيب زهقان من قرفى
حاسس كان الشيطان تافف على شرفى
أنا اللى رب الفلق سوانى على صورته
باخاف اكسرقدم من دايس على طرفى..



صعبت عليه نفسى لما المجرحت
لكن فى لهب المحبة يا وطن فتحت
سامحت كافة ما جرى منك
بكيت بحرقه عمرى فيك ارتحت



سنت سنائها أمتا الغولة
واصبح الشعر مهته شبه مرذولة
عميت بصيرتك يا عديم النظر
ح تموت بجهلك وتعجز تفهم القوله



إزاي راح انسى يا حضرة المشهور
كيف التقينا فى الحروب الزور
دمايا سايله فى السجون برضايا
وانت العصايا ف قبضة المأمور



عشت تحلم قلك الليل والصباح
بعت قلمك سحت ضاق بيك البراح
انكسر خاطرك وشل الخوف لسانك
واللى داق الدَّيْح ما يحسّش جراح..



خمسين سنه مضروب على ضلوعى
موجوع بكوع اصحابى وبكوعى
طلعوا وشبعوا ياما من لحمه كتافى
واما زوروا بلعوا الكذب بدموعى



يا للى انت فى سطوتك نايم على ودانك
فرحان بنفسك وناسى مآسى حرمانك
بين قرش سهل ونسا أسهل وصيت حاكم
لحظة ميلاد الندم ح قوت بخسرانك



يا عاشق البحر بيك البحر مش دريان
حزنك ماهوش سجن انت سقمك السجان
ولا كل من كتم الألم شاعر ..
ولا كل من باح بالأمل .. فنان ..



الموت بياخذ حقه م الأحياء
والرمل قادر على كافة بحور الماء
يا من شقيت شم عرف الورد واتيسم
تشوف فى ضحكة وليدك جوهر الأشياء



حتى الحجارة يجى لها ايام وتتكلّم
تنزف جراح الوطن للموت ولا تسلم
يا شمس طالعة الجبل متحزمه بالدم
خلى تاريخ الأمم م الطفل يتعلم..



آهين عليك يا اخضر على وردى
يا حسرة الى اتغدر فى زمّة الأوردى
فرش الرمادى السما فاسودت الأرحام
حفظنا شعر الفراغة واتنسى شهدى



يا ساقيه الحب دورى وارفقى بحالى
دانا قرئت الهوى على اسمك الغالى
لو مره عن شط بحرك يرحلوا العسكر
أقنع بحالى وأشبع من قليل مالى



لا الفرس رحموا أمثالى ولا نصفنى الروم
يوم عيروكى بجوعى انا ابتديت الصوم
وقلت خيرها فى غيرها - حقى برقيتى
هجم العرب جردونى حرّمونى النوم



عرب الهرب اينعت فيهم رؤوس للسيف
وكل جبار عتلّ ف بيته أصبح ضيف
قاتل فى يوم مقتله عاتب على المقتول
على عرش من ذلته باع عزوته برغيف



بزق خمره ويعير إمتلكتوا حق رقبته
وحكمتوا سحت وريا عسكر بلقمتها
تاريخ قديم يا عرب والحرب بنت السوق
بين سمسرة ومسخرة مزعتوا عفتها



مريض .. لكن قلبك سليم م المرض
فلا ترجى صحتك من نذل صاحب غرض
عمره الغيام الكذب يكره وضوح القمر
هذا اكتماله أكيد وده إختياله عرض



فى الضلمة كنتم شمسى وشمعتى ونارى
دليلى فى غريتى ونسى وانا ف دارى
كنتم أمانى .. وشهد لسانى سيرتكو
صبحت مسيرتكو همى وعلتى وعارى



تيلك جراحى فى غيطى وهمى فى بيتى
ليلك قليل الراح من طول ماواليتى
بشوق آهات العطش صليت - لتبرينى
آيات صلاتى دمايا حروف - ولاقريتى..



فحت الفراعنة قبرهم فى ضلوعى
عجنوا رغيف الآلهة .. بدموعى
ويأسى حكموا الأرض رسما الدين
ملكونى دنيا وآخره - بخضوعى



الجبشة ع المشرحه وجميعنا مدعوين
يا شعر جهز سكاكينك شمال ويمين
من أول المذبذبه ع الحق ح نساوم
وكذب آخر قصيده ينظف السكاكين



يا وطنى مالك ارتضيت بالزور
ورخيت لجام الطاعة للمأمور
قال لى لو انت يا ولدى صادق النية
لكسرت صت المجاره اللي اتبنت لك سور



يا للى انت عشقت وعدنى بحلم عز لقاء
قلبي انكسر م اللوع وهاكى لم لجماء
عاشقت بكيفك وعشت أسير تخاريفك
يسلم لى ريفك خريفك رد موتى حياه



الأرض ما بتشكى خطأ الضفدعة
ولا السحاب م الرعد والفرقة
انت اللى جين قديم قتل أمك
وانشق فتنجانك من الزوبعة



متعلقة في رقبتي طوق ورحاية
ماشغش ليّه فى هواكى قراية
حملتى هرم الظالمين على كتفى
وكيف راح اهرب واننى علتي وخطايا



خمس دقائق والا دول ميت سنه
بصيت فى عينك شفت عمرى أنا
فتحت حوش قلبي لرياح الفرح
حزنك قتل فيه اشتياق الهنا



الشمس مش راح تدرى بهجروحك
حتى وغناك آهة أتين روحك
ياللى طلبت التين من الجميز
رقصت ليه والدخنة فى سطوحك



يأسى محبّر دمعى فى عيونى
يا مفكرينى بالهموم إنسـونى
أنا ح امشى بكرة لوحدى فى جنازتى..
والعنكر لو جيتم تعـزونى ا .



حجة لكسر الإيقاع

مالك يا ابو الهم داير تبكى على حالك
وتشكى طبع البشر واللؤم والتكران
طب قول لى إمتى يا صاحبي زوت بيت خالك
جبرت خاطر اليتامى شفقت ع النسوان
عمال تحمّل سواك الذنب وتعاتبه
وكل من داس على طرفك يتيجى عليه
حتى اللي شاييل همومك عم بتحاسبه
حين نخ كتفه بحموله انت عملت له إيه ؟ ..
بحلق وحقق ح تلقى الهم متفرّق
على كل من كان نصيبك انت مختاره
فاتعلم العوم وخف وإلا راح تفرق
الفل طوفان حذارى تضيع فى تياره
وقبل ما تفتري تدشده قزاز غيرك
تمسك على الوحدة للتعبان وللمقهور
إنظر لنفسك ودقق فى خطوط سيرك
عم الزمان بالوجيعه الكل صابه الدور ..

باحلم يا بلدى تكونى ساحة للاتصاف
واموت أنا كلمة حرة فى مواويلك
يقولها شاعر سليم القلب مش خواف
تقيد أغانيه نجوم الصبح فى ليلك
واظل خضرة ولو ورقه ف شجر صفصاف ..
شايله لآخر منداها وعمرها جميلك
أنا الذى كرهتني ف عيشتك الأسلاف ..
باحلم أعود تانى بكه موجه فى نيلك ..
لكن كما كنت شعبان من رغبى الخاف ..
أعيش لآخر مدى بُشراكى ودليلك ..
أنا الى كلت ف هزيمتك طينة المرجاف ..
يقنئنى يوم انتصارك .. أرضى بقليلك

واويات

أنا العجوز اللى قلبه
مشاع لكل الصبايا
حبيبته قاتلاه بذنبه
مستخسراه فى الهداية



قلبي برغم السن عصفورة فرح
بيغنى رغم الأغنيا وسوء الظروف
من بعد خمسين عمر بالعشق المنجرح
سالت لياليه ع الورق دم وحروف



دشدشت كل المرايا
من رعب اشوف فى مرايتى
وشى بينكر قفايا
أتوه فى آخر حكايتى



خجلان تبص ف يعيونى
خايف أبص فى عينيك
يا للى انت حلق جنونى
أنا حقى ضاع بين ايديك



إسمح لى افش غليلى واكره قسوى
الشعر أصبح من فتنون الدفاع
فاخرس فى حلقى يا لسانى واتلوى
كافة قضايا عشقتنا..خسداع



قرقصت جسدى زى عود ناشف
م الخوف باستر نفسى بين اخواتى
رعبى عمانى بضعفى مش شايف
إن الشرر شابط فى خلجاتى..



قالوا لى ليلى مريضه فى العراق ياطبيب
لكن اللى عنده الشفا هاجر ولا جانى
أنا أسير الوطن عايش فى أرضى غريب
وكيف راح اعرف جريح القلب م الجانى



الملايكه وزّوا عقلى على جنونى
والشياطين وسوسوا لى بالجنون
يا للى بين البين على عيبى خدونى
دى الهباله نعمه يا رب الفنون



الأرض بشتت بالدماء
والقلب تعبان م السفر
بادفن آهاتى فى السما
يخضر جرحى مع المطر



المية ما بتطلعش العالى
مع انها فى الأصل سحابه
فطمتنى الأحزان بحلالى
تهشتنى بحرماها دبابه



يا قلبى كن ف صدرى إهرب م الظنون
صبحت آهات الحزن من باب الترف
قول اللى ذلك كدبه على سكك الجنون
هذا زمن مقتل أساطير الشرف



أنا نديم الملك لو قط أبس بس له
كان عقلى ميزه واكلته فانكسر قلبى
السيح فى دولته حزمنى ارقص له
والفار حكم بعد منه قام خلق شيبى



على فين يا فارس والسكك عوجه
راخى لجام المهره ع الغارب
فاكر صحيح السوق بقت هوجه
دا مُلك ياها ورَّيه صَّبه ع القالب!



كل الى أحييت مواتهم
وشيلتهم فى الحشا
عصرونى خمره ف كاساتهم
مزوا بى بعد العشا..



لما اصطفتيك بحبى
وعدتنى بدنيا جنَّه
ايه ذنبى بتهد قلبى
والحب طول عمره بنا



كرهت الشعر وكرهتك
وعمرك وانت إلهامى
قتلنى الكذب سامحتك
يا كدبه بحجم أيامى



بتلومنى وعازينى اتحمَّل
وانا شاييل حملين م الحاصل
ويحجة حِكْ اتجمل
وانت على دمي بتفاصل ؟



طول عمرك صاحب الواجب
قاسم قلبك .. نصين
عينهم تعلا على الحاجب
وانت تروح فى الرجلين !!



عشت بصاحبك مفتون
بتضيع لو غاب او هاجر
والسوق فيه المجنون
هو اللى بيعشق تاجر



رقصت فى الزفة يا مجدع
استأذوا فينا التلاميذ
النيل كفر هجر المنبع
كل الشجر طلع جميعز..



طولنا كثير على وش الأرض
والخوف حاكمنا عصا ونهوت
بنسن سيوف الخوف من بعض
لا الأزمة بتمرق ولا بنموت



حكيت له ضعفى فازور عنى
ساتر معايبه ومقاسمه فيها
أكم حميته بحسن ظنى ..
شكيت همومى فزاد عليها



كم من عيالك خوف
كم من رجالك قش
اتسمموا بالحروف
قشب عودهم هش



اتهنى فى غفلتك
وغنى ما قد جرى
ح تزيد كما قلتك
وح قمشى بس لورا



متعود ترقص. ع السلم
متشعبط فى ديول حكامها
جه يومك ابلغ يا معلم
إذ كل ضرورة بأحكامها



قلبي عليكى انفطر
يا مخالفه مواعيدى
وطن انتى والا حجر ؟
بتنسى يوم عيذى



الليل خرابيشه فى الحاره
أرابيسك بلاستيك موزاييك
يا تخلف من صنع حضاره
دهسوها الترك الماليسك



يا صحبه الورد ليه شوكمم بيجرحنى
ولعطرکم جوه قلبى ياما وشويات
شجر الوطن للفرح كان قصده يطرحنى
أغزل على نول جدودى م الجراح غنوات



يوم فى يوم مقهور يتبعد ع المنصة
بعد ما قرّبت منها..وأفستريت
أوعى تزعل كل حصه..ليها قصة
فابلق القُصه.. نهيتك ما انتهيتا



مين غيرى رص الكراسى
لوّن زهور الفلّارش
هلّ الزعيم السياسى
نهشت فى ضهرى القوايش



حط بيها السلم ع الفقر الذكر
حرب قامت قلنا يا حسن الختام
لجلها شربنا المراز حر ومطر
النهاردة عشقنا ترابها اتهام



خيرك قفف .. أحزاب على بقالين
حرّه وموانيكى بتشغى حماس
الرقاصين أفواج راحين جاينين
والحزن أمواج فى قلوب الناس



بيتك قواز..ليه يا شاعر مالى حرك طوب؟
داير تطوّر وتبطّح من شمال ليمين
شجر الحسك عمره ماراح يطرح الخروب
فخفّ إيدك علينا دى الهموم كافيين



ده غلب إيه اللى بيكم عشت منقوع فيه
سلوايتى صير الحمير حلوايتى سم العسل
خرابيش كلامكم بتنهش جرح موجوع بيه
وعجيبه باقى لكم فى القلب بعض الأمل



افتح لى قلبك يا عز الناس وصارحنى
ليه تلوّى بوزك إذا غنيت بحريّة
هوأت يا توزنى ع الموت يا تدهحنى
يا تدوسنى أول ما تضوى الفرحة فى عينيه



بتجرى يا نيل على قدك ما عدتش نيل
بتحدفك صفّه للتانيه تثن ..تكن
أتمتّت خطوتك من كتر هد الحسيل
ولا عدت قادر تسافر فى الخيال وتفن



نفسى ان راحت للتفاح
ريقى بيجرى على حدودك
وان عزت اتونس وارتاح
انتشق دمي على حدودك



ولساكى قادره تزوعى قمح الصغار
رغم الجراد والخوف وعسكر التشر
وتجمعى برد الشتاء وعرق النهار
تخلقيه فى الصيف عناقيد ع الشجر



أنا لمسة من حر مصر القر تشرحنى
من لومها ليّه ف غريتى باتدكرى
لذا لا تلومنى إذا ما جفاها فرحنى
با خاف تخفف حملوها عنى .. اتكفى!



تطلبينى ما اتوهش عنك
تهجرينى ما اقولش آه ..
دالى ما لى القلب منك
موت واعدنى بالحياه ..



رضيت انى اكون لك فى صعبك ركوبه
وفى ايام رخاكى ارتضيت الحرس
فجع قلبي هذا التاريخ الأويصة
كاتبنى ف دفاتر جراية الحرس



على قد ماجتبتنى الحرايق
على قد مالسوعتنى ألم
وعاشت تخفف مرار الحقايق
قتلتى رضايا بغمايا.. ندم ..



عطيت ياما كم ماجمعتش ديونى
وخابت فسايلى فى غيط اللثام
أنا اللى احتميت فى هواكى بجنونى
عقلت التقيت حبل عشقك لجسام



يخيل إلى كأتى عشقتك
كما صورك فى الخيال التديم
يا طول المسافه خرافة حقيقتك
يا ريتنى اكتفيت بالغرام القديم



مر السنين صرك هنا
وانتى الفرح صنعة ايديك
لا شوقتي مره يوم هنا
ولا دمعتك فارقت عينيك ..



ع البر فاتتى القمر قلقان على بدى
وضيه كان لى دليلى فى ظلام الليل
سألت يا بحر حبي جاش ملا بدى
قال لى سلامة النظر فينك وفيه النيل



يوم انتصارها تلاقى الكل عشاقها
ويوم الهزيمة يصيروا بالجراح ممالك
لو طرحت الفل يفتى الكل على زوقها
وان شريت الذل كله للبراح يا فكيك



يا ريتنى اقدر انسلخ من جلدى ..
أصفى دمي وامزج صك مواريشى
وانتمى لجذ غيرك حتى لو هندى
ولا يبتلىنى تراثك بالعمى الحيشى



عدت عليها العصور وحك ومتحاكم
عاكم رقاب أهلها كآلهم حتى طالون
فى الضى فى الظلمه مد وجزر ميت حاكم
منذ الأزل مطرقه وللأبد راس هون



الفقرا زهقوا من الطعام الفقر
ومن العطش غرقوا فى رمل وطن
والأغنياء شرقوا بماء البحر
والنيل عليل سرقوا هنا لانتين



كل ما سيادتك تلعلع ع المنصه
شعري يرجف من حاجات بتأزمه
وان سألت القلب حاسس ليه بقصه
فى الميدان صورك حيطان بتقرمه ..



مين اللى قهرك يا يتيم الأم
قال بلدى طهقت من آهات أحزاني
خوف رضعتنى فى حليبها السم
وعلى رغيغ الغريه قاطمانسى



مين اللى غدرك يا كسيّف الأب
قال سيف أبويا قَطَّ لى لسانسى
قربان قمسنى وهبى للشيطان والرب
ونكر صلاتى عشان أسياه ناكراى



مين اللى قبرك يا عديم العم
والنفط باع اطفاله لضباعه
النيل فايقتا فى السراب والهم
والدم صار ميه رهن التدل لطباعه



مين اللى حسرك يا أسيف الخال
قال فاتنى خالى واكتفى برّيه
حصرنى بين اللقمه والزّلزال
أساوم اللى كُفرونى بذنبه



ذوات السعاده سادات العقول
مشاريع الطريق كاملين المدارك
مسالك سيادة مواهب وصول
إلى كل دار غير مدار المعارك



قد ما خوفتم أمريكا
قد ما خوفتوا الجماهير
فى العيد تلبسوا مزىكة
للحرب ركبوا حمير



خلاص نهيتوا المهمه حرقوا غيطانها
فرسان خيال المآته على الحصان لابيض
دهوستوا خيرها ودهستوا نبض وجدانها
سوقتوها زلفى وجمال للبيت الأبيض



القناه الأولى قالت أربعه ..
ماتوا - لكن فى الحقيقه كانوا ألف
غلطه مردودة قلى المطبعه
والحروف تنسى اللى عاشوا رغم أنفاه.



طبع السياسه الجاساه قردة
تقدر تولد م النمله فيسل
ورّيتنى على خد موسكو ورده
واتاريا كانت دموع قتيل ..



غيم السما خيب رجا العثمانيين
الشمس غابت ضلت البشرية
قلبت مقاديف اليسار لليمين
فمررت غيوني .. للحرية !



لو كان يصح الصحيح
ولا يبقى غير الأكيد
كم كنت تكنس يا ربح
شعرا وحكام عبيد



الانسانيه ع الدوام حيّه
العدل شوقها والشرف سعدھا
أنا شفت فيها طبع م الحيّه
مع كل حين تخلع قديم جلدھا ..



دم الهزائم رهيف
أرق م الميّه ...
يعوم عليه الخفيف
والشاعر الحيّه !!



الكلمه وهم كبير لمن نطقوا
والخير دم اللي ماتوا بقله الراحه ..
يا خرس شجر الصدق مين حرقه
مين اللي قال الخنظله - تفاحة !..



العدل ما يحقش سوى بالسيف
والظلم حد السيف ومسنه ..
خسران تملكى يا ابو قلب رهيف
قصداك شريف مرهون بسوء ظنه !



عاشق من الجن نص حصان وطير طاير
مكتفين [للحجر و مطلقين للريح
مالك أنامل وعامل بالأمل شاطر
فرحان بفننه لكننه عبرة المجارح ..



الدنيا متلهوجه بتفر فى سنيھا
وأنا جرحى من سكاكين أنينھا انفتح
شقت قلبي آه تواسى حزنيھا
كان يجرى إيه لو ابتديت بالفرح ..



عاهدت بلادى على لحن الأغانى
وشرح الجهل يستعفى بغيائره
سنين القلب رحلت فى ثوانى
وضاع العمر محروم من جريته ا.



كل ما توطى تعلّى ف شأنك
شاطر يس لئين وحويط
زمر مهما خبيت دقنك
لازم آخره زمرك طييط ا.



حتضحكوا سخره منى
علشان قليل الحيل
بكره ح تيكوا أما اغنى
أناشيد رحيل الليل ..



أنا لوعة الحمى ورعب الزلزلة
سرقتموا أحلى ما مشيت مسافات
لكننى على قلبكم فى حلقكم حنظلة
لحد ما تردوا حتى لآخر النفايات ا.



ليالى القهر مالهاش فى المشاعر
يموت شاعرها متكفن فى خوفه
ما بين حيرته ف مساخرو ف متاجر
تضيع سيرته وان عاشت حروفه



دفاتر العامية المصرية

الدفتر التالى - ٤: كتاب الأرجوزات العصرية
(شبه شعبية شبه رسمية)

شكاوى الفلاح الغشيم عن التمثال المحطم للزعيم السليم

الدنيا مركب ومتعبه م الأمطار
وقلبي عاجز أن يشوف القمر
يا مين يطمّن حيرة الأشعار
والبحر ناسي حتى شكل الشجر



كنا زمان .. شايين على غصن شهابنا، حوادث الشهدا الرجاله .. للعله
وللقله شفا .. وكماله ..

تاخذنا لأزرق بحر محيط وتحجب النيل لايواننا تحيي في قلوبنا مواويل
الخياله..

كان الحلم سنابله محاله .. لكنه ييفسل بحكايات الحب وأساطيره نجاسة الإيد
البطاله .. يزرع قمح الفقرا ويلا حجر الشغاله بالعيش الخاف .. ويطن قلب
العشاق في الليل الخواف .. واما الحزن يوافينا ويوالس ويأ الظلم-يواسينا
بدموع الشوق للإتصاف ا



حزنك قديم مليون سنه ..
وانتى الفرح صنته إيديك
إمتى تشوفى يوم هنا
وتخاصم الدمعات عينيك ا.



شاب الزمن اتغير واتدارع القهوة وفي الدوار الكون إختل وصبح الفقر
بيتحسر على أيام المحتل .. والحجير المحجر تم المعتل .. حبات التوت حرمها
الدودع الأطفال .. الشمر خرج من اهتمامات الشرطه .. صار من تفاريج
المؤتمرات الرسميه.. والطفل صبح حلمه يستبدل قمرة الفضه ببيع دولار..
خمدت رنة أنات الناي.. جف ف حلق الدلتا ريق المواويل.. نسي هيش الأرض
حينه لنشيش المية تاهت قناديل العشاق في ليل الغريه..

لكنه النيل .. خالى وجدى وعمى ابويا النيل..

زى عوايد الأم ف أحلام النيل - بيعلق فى رقابنا ايامنا حبال .. يفتلها
وشبكها ف ديل النجسه الشعري تنادين اللقمه الرحاله من ميننا لمينا ..
تخطفنا الدنيا تنوه فى طلاس أسرار الكذب ..

لكن بنشد الخيل حتى ف لحظه غدر الصاحب وخيانة الأبطال..

تذكر إنه من المعتاد ان العصفور يخاف الصياد.. والنحله مع إنه يسرقها
الدبور يتحلب غسل الورد فى كل ميعاد وان الفار المرعوب من قوانين
الغابه.. لما بيملك فرصه بيطبقها على غيره ويستعدى عليه الأجناد..

وان البحر اللي بيوصل بين الناس زى البورصه يفرقها بنى آدمين وبلاد..
والفن ح يفضل باب الحريه.. والأشعار أشجار أبدية زليّة زى النجم القطبى
والفلك الدوار.. وتؤكد أن الظلم ابو ألفين وش و وش ح يفضل واحد ويدون
عنوان أو جنسيه أو دين.. زى الجهل وزى العدل وقصص العشاق.. فى أى
مكان كان ويحصل فى كل زمان ومكان.. أمى.. ويدون عنوان..

زيه زى الحب اللي بيغرد صدر الأرض لضى الشمس واللى بيفتح قلب الشاعر
للدهشه.. واللى بيرعش قلب الفنان بالعشق.. أو يعصره بهموم الفقر
وبالأحزان.. فيتأكد.. إنه ح تفضل فى حياته مساحه لشيء ما.. شئ ناقص
محتاج يكمل مكروب محتاج يظمن محزون محتاج لليسمه اللي تحتن مجنون
محتاج للعقل وللعمل اللي يجتن ويبشر أطفال الدنيا بآخر ايام البهتان

شيء .. أكبر من أى كتاب كان .. أطول من أى لسان

أطيب من أى عذاب أو حرمان ..

شيء لسه ما جاش على بال أيها إنسان شيء متمرد نافر عايزها يا أبيض يا
أسود.. شيء متفرد يتخطى حدود الإمكان.. ومفرد على كافة مازرع الفلاح
أغصان.. ملسن فتن.. بجميع نغمات الفرحه.. وآهات الأحزان.!



كل النجوم اللى انت حبيتها
إتسرست منك فى عتم الليل
طمعك فى ضئ الشمس شتتها
أصبح وصالك فى الهوى مستحيل



أنا خقت كثير لأخى عطيتك كل اللى ورايا وقدامى وعشت فقير وتعبت،
لكنى ما رميتش حمولى على الغير، طول عمرى ما كنتش فاهم فى الدنيا
حاجات.. لكنى خريشت بكل ما عندى ضوافر صلب جدارها.. كشت لى قليل
قوى من أسرارها، أخذتنى لبعض المسافات ما أمكرها.. كرهتنى مدينه
وظلمتها ريف..

وبكل مشاعرى حزنه فرحت خفيف.. حتى لما لوت بوزها ف وشى.. حرمتنى
بالقصد حاجات.. ما قلتش خيرها ف غيرها ولا استندلت..

وأما حوجتنى بتدبيرها لحنان ورغيف ما استبدلت.. ولا بدكت اما كنت
بأولادى ضعيف.. اتعلقت تمللى بحبال تفسيرك وقلق تبريرها.. اتعودت
أخسر علشانك واكسب ناس.. وكثير ياما كنت هاكذب وإصدق بالاحساس..
خدعنى أماتى لبعض الناس.. وإيمانى الأعمى ببعض الناس.. لسعتنى ياما
سخونة بعض الكلمات اللى بخيرها.. لجمنى الخوف ياما وأسرتنى الحنية..
خنتتنى كرشه لانفاس.. لا وعنى القسوه رعبتنى بالسواس الحناس.. لكنى
قدرت أعرف وادرك إن النار-حتى النار فى كثير م الأحيان بتكون بارده
وفاتره والعسكر حتى العسكر مش دايما حراس.. واللى بيدوسوا ف قلب
الإنسان مش دايما بيكونوا من الأنفاس!



فى كل أرض لاهد تلقى الأغبياء..
سياسيه شعرا ... فقرا والامريشين
مكفلين يطقوا شموع الأنبياء
وعلى الأخص ان كانوا يتما موهبين



إيد اللى جد على العالم ؟

اتغير طول عمر العالم بيتغير .. موت الدنيا سكوتها هذا غصين عن عين
اليأس - قانونها .. حتى الإنسان موته فى الصمت يا مجنون..

إيه اللي أصاب الكون؟..

اتفقِر؟ .. كان من إمتى الأمر أمان.. م الزلزال للإعصار للمذهبه للعطش
الجوع الطوفان.. للحرب الأهليه للطغيان.. طول عمر البنى آدم قلقان..

محتار فى كل الأحيان مش عارف إن كان متسيّر والامخير.. مكتوم والا
محكوم غلبان؟..

وانت يا شمتان؟ يا للى لقيت لك عين تعلنها بكل أمان فى ساحات الرقص
وكباريهات النقص وحضن الولدان..

(ما خلاص نشفت بركة لاشتراكيه والمخفى أهه بان إتسّع
الحرق على الرائق واتعكر للأبد الرائق والسجن لازم له
السجان ومادام فيه لقمه يلزم ليها جعان ... جوز أمى ح
اقول له -ويكفى- يا عمى .. دانا غلبان)

فرحان؟ .. طبعاً .. طول عمرك كنت بشير المنكر وتصير العسكر والحراميه
ماداموا حكام.. كان من إمتى قلبك خالى من الهم.. ولسانك مش ماسخ
كارف طعم الدم.. طول عمرك بمصير الاتسان مهتم.. لكن من حيث ان الفقر
ضرورة ولها أحكام..

وسبحانه العاطى يتناسه لكل مطاطى وواطى.. السلطه طول عمرها ضباطى..
حتى وان ليست ملكيه، عمه وجلايه.. العسكر مهما اختلفوا بيأتلفوا..
قلاشين نياشين وخوذ وبلاطى.. والشوره لما بتصبح سلطه/ مراحل/ ومخاطر
وخواطى.. مراكبها ان وقفت تزهدق وتلايط وتلاطى.. وان عامت :يا تنوه..
يا ح تغرق لو مالخفتش شواطى ..

لكن .. الشمس الشمس يا حضرة راح تفضل شمس.. والكذب مهما تكبر أو
تصغر - كذبه .. حتى فى تفاسير المختارات الخمس.. والكذاب فاجر أو تاجر
كافر.. حتى لو على قهوة (ريش/الشوار) بيخاخر شاعر عبس وبيجهز بالهمس
ح يقتل باللمس.. وح يسمسر حتى على لقمة أمه.. زى ما ضارب ع التواريخ
والطبقات المظلومه!

...

العيبه ؟ . إنك ما سألتش مين العايبه. والحقبه؟ انك راهنت على الفرس
الحايبه. وكسبت!!

أيوه الدنيا بتتغير وح تتغير .. وح يحكمها صراع الطبقات حتى ف عز
وزهوة الاشتراكية .. لازم ولاهد الحامل ترمى حملها..لازم وضرورى الساعة
تدق طبولها.. وتكون الكلمة،

الى تَدَقَّ فرسان الصمت يسهلوا بخيولها.. أيوه الدنيا بتتغيرا

وح تتغير ...

مش ممكن تفضل سرقاها السكين.. لأن الكلمات ليها معانى.. واحده ف كل
اللهجات وف كل لغات العالم.. ما بتتغيرش.. المال. الفايده. الفايز
والقيمة العايد والسجن. والحرب. العمال. المساواة. لاستقلال الفلاح. الدين.
العدل. الاصلاح. الحرية. الإقطاع. القول. الوحش. الجهل. السفاح..

الجوع الحرمان الى ناهش عمرى.. وعایش على فقرى وقهرى وبیشارکتى
آهات شیخوختى من صقرى.. وبیحسدنى على حبی لوطنى لشعبى لأمى
لاہنى لبتى لصاحبى.. لحبیبتى لحفیدتى لشجرتى لجارتى لشباکى البحرى..
لشمسى لخلی لقمى لشعرى وعایز یسختى یسختى.. لكن ما بیقدرش..
لأنى عارف وبرغم القلب الهم الظلم الأزلى القدرى المتغیر- إن الحلم العلم
الحق العدل وإذا اتغير ما بیتغیرش..

وح تحسه تملی ببینض جوه ضلوعك/صدرك فى أوانه.. بیجرى فى عروقك
مجرى الدم ویسرى ف علتك وف سرک أفراده واحزانه..

یاكدلك .. إن الخیره ما تتخیرش.. وانه كثير یاما فى الأسواق الرأسالیه
العلتیة السریة السوداء... یمكن.. یتباعوا الاشتراکیین.. أو على حسب
الموده یفاصلوا على قبر لینیین... لكن لاشتراکیه/حبابی العین/ ذات نفس
الإشتراکیه.. ما یتباعش...!...



جریت على مد رجلى
فهمت على قد ما اقدر
لا جری طول فى عمرى
ولا فهم علمتى أخسر

...



متلغ بهموم العشق لوحدى عاصرتنى وحاصرتنى الوسواس.. علشان وانا
غرقان فى بحور الناس.. معرفتش وما صدقتش إنى یمكن أتوه.. لو ما
حكمتش قبل العقل البارد بالإحساس..

يا خلق الله.. الليل توهنى .. غوانى .. وفيتك .. فيتك يا من كنت النجمة
فى مرآة وجدانى .. بتصحى فى قلبى أحلى ما ف قلب الناس أناشيد
وأغاني.. رسيّنى على شط عينيك إرجع لى وكون لى الصاحب.. زى ما كنت
الفرحه فى فرحى والدعمة ف أحزاني..

فيتك ... فيتك يا من كنت مرآيتى.. اللى يتكشف ما بنفسى لما بتتغير
بعض ملامح أحلامي.. ما عدتش شايف روحى جوّه عينيك..

مع إنى حافظ تعاويد جداتى السحره الفراعين الأفريك.. وف قلبى شایل سر
الحاتم والقمقم والديك.. ونادر إنه يوم تتلاقى بسحر النيل والليل والصحرا -
ح ارقيك.. أتجهى خوافى السر الخافى عليه - وعليك..

أحميك من غدر الفرسان اللى ماجوش.. من مكر الزمن المكروش.. ذى العهن
المنقوش.. واقسر بيك الحلم اللى كان ملو إيديه وما لمستوش.. أمتنع عنك
شياطين الإتنس الجن.. المتخفيه فى سوق الطماعين حواليك.. سوا م اللى كانوا
معاك واتعافوا فانتقلبوا عليك.. أو.. م اللى لهوتى بأمرك عن أمرى -
فاتلّيت بيك خلوتى أبصر وأفسر مطرح خطاويك.. وافرز حواديتى من
حكاياتك.. واحس أهات ستى الفلاحه ف صفاير القباريك... آ ا ه ..

يا خلق الله.. الحلم يبقل من نبض اللحظة يا ولداه .. يا ا ه ..

يا هلترى أسهل لو تتقابل فى بلاد تانيه وزمان تانى .. يكون أجمل -
يُسمح لى فيه بالحكم عليك أخرج فيه من غيم لهوجتى أتعرف على نفسى..
واشوف فى نفسى شئ منك شئ يتذكرنى فيذكرنى بطفولتى اللى هُدت فى
كهولتى كيانى .. شئ ونسئ ف بره الشتويه/دقانى فى زنزانى .. ومن
أوهامى صحناتى علمنى اتوتس واستطعم إسمك فوق طرف لسانى.. ينفض
قلبي المكسور الوجدانى.. ألون من دمي الصورة ..

عشتى ليلدى يوشوش بضوافر شعري حجارة زنزانى (تسعة وتلاتين سجن
المتصورة الدور الثاني).. يا ا ه ..

الثورة الشعبيه بتقصف عمر السجن. تهدّ حيطانى.. تحورنى وتكتف
سجاني.. وتعوّض صبرى اللى حيال أيامه مقتوله بحيل شبابى.. وشانقانى!.



ما عايش واحد صحيح
ولا وعد باين مؤكد ..
العاشقين مجاريح
والحزن بايت .. مؤيد ١٠



ياتن عيون توارىخ الفقر .. كون سيفى النافذ فى صدر التنين م البحر..

يا جيلى الصوان الصخر.. إوعى المطره تغسل صدرك من دم الشهدا..

يا أمل اليتما ف سنوات الغدر. دل مراكب بحر الظلمات الهريانه من القهر..
خليها عصية على القبر إبعثها تشق ف طيات الأعاصير المجنونه تجيب الفرحة
من سالف أيام الأساطير.. تلون حلم الآهات المرّة اللى ف صدر الأم الحرة
مدفونة بتقتل جبل الصوت الإنسانى - للوحداثى المهجور المدفون فى قرار
البيير !!



الضحكة مش وسمى والأحزان ماهيش قدى
الكرّة والحب صهم خبز من غير ملح
وكل هذا الكلام الكذب بيعدى
زى السحاب إنا يرخ السموم فى الجروح ١٠



فينك يا رغيّف الموز المخبوز على صدقة فرن عجوز من عصر سبارتاكوس.
لسه الأرملة سهرانه بتغلى لأطفالها الأحجار.

يا حفان الرز الموعد بالأيتام اولاد الصبر الطالعين من بحر القهر الأزلى
المتزوّق بنجوم وخطوط ألوان بريهات العسكر حراس المدينه الذريه المتعافيه
على قمصان التيل البدائيه وبيوت بوح الكلمات الأولى المنقوشة على
أغصان جدران مدرسة الغابات المكروشة لاتنفاس الخافيه على الأطفال المطايرد
المقاربض ع الأحلام المرشوشة بسكر وفطير. العشماته يصحى (هوشى متّه) أو
يرجع (ابو ذر) يوفى مواعيدها ويأ رجوع العيد القمري ف عز نهار التحرير
الحر !!





يعشمنى حلم الشرائى المؤبد
ادور فى السوائى مكبد بنيلك
ومن رعب عطشى للفجرى المؤكد
على قد عشقى مكبل بيلك



وكيانه دبيب الكلمات النمل بيرعش قلبى لحن غناوى (تيرودا) حى وميت
نقشه اكفان المزيكه ف جرتيكا وغزه وكل المدن الفلاحه المنتهكه اللى نهشتها
النظم السفاحه من اندونيسيا لشيلى..

رعشة أوتار الجيتار العاشق.. أشعار الحب العذرى فى قلب صبايا خلاسين
وهنود وزنوج فى ليل الغابات المطرى المتوهج فى ذاكرة الانتصار اللى اتهموا
پيثارا بالشوره وفاتوه للقول والموت وحده على شط البحر غريب فى زنازين
التأديب. أو فى ميادين الطلبة ف كافة مدن التعذيب التترى من اهر زعبل
للموصل لسرتديب.. يا ا ا ا ..

يا قلة صبرى وطوله العمر الفقرى من راس العش لأسوان.. شبيت على طرف
صوابع حيلى ف أفران حلوان.. ومن طاق الزنزان ماقدرتش أطلع من جلدى
واطوله...

يا هلترى عينى غشيانه من ضى الشمس والا من برق دموج اليتما الرضعان.
اولاد الشهدا المجهولين المفتالين شرعا أو غدرا فى كل مكان

صوتك وانت بتللم فرط حروفك .. صحانى .. زلزلنى هز كيانى .. خلانى ..
مع إنى ما شفتش زيك.. وحدانى..

بتحاصرنى خيالات الشهدا اللى ماتوالنا بعد طلوع الفجر من غل الأغيبا أو
جهل السجان..

بتحسرنى أشباح الزعماء الحرافيش، جيش المنسيين المصلوبين فى سطور
صفحات الكتب الخاليين م التصاوير النايين مخمودين على أرو رفوف الصمت
المدود فى برود قاعات تغيير العالم بالكلمات والحلاقات للأفضل..

وحدانى .. مع خوفى المرعوب من قلة خوفك .. وكإن ظروفى ما كانتش
ظروفك.. خايف من قلة شوفى أشوفك مش إنت .. أكمل وأعد واجمل منك

دلوقتي.. أيام زحمة لاجتماعات الأمية والكل معاك للأسهل.. يصعب على
حلقى مر الأيام الأصعب..

أرجع تانى مشنوق بحبال الجهل الأعقل.. مضروب بدراع الرأسمالية الأطول
.. مهزوم بسطور المقالات الأتدل..

آه .. م الخنظل عاقد فى لسانى.. يتعملى عليه أوزان الشعر المأزوم النابت
آهه.. فى صدرى المكتوم النفس.. المحروم من ضلة شجر الحور المجزؤ القمم
الى مكوم على جنيات الطرق الرمم المجهوله لحد الآن من سيبييريا لعزب
القيوم..

أحس بأنى كإنى زيك كنت وراح أكون، يتيم الأب الأم ومحروم .. إلا من
العيش المسموم والوطن المنصور المهزوم الذى يمزوم فى عضامى.. كاره
أيامى.. مكولم.. بيقتتنى قسايد بالعامية، كإنى باتدنى على نار مظفيه،
وخشب مبلول.. باتعتر فى اللى ورايا المجروح المقتول المهذوم، باتكنى
واتكئن فى اللى قدامى مسلوب مأزوم.. أتلقى على نار الفرس، أتقلب على
جمر الروم.. بايع بكره لحساب اليوم ١.



شرهت خمر الدنيا ما استكفيت
فتحت باب المستحيل وقسرت
رجعت فله شائلة تنفة أمل
غرقانه فى الزيت وتقاوح بلو وبارت١.



وحدانى لوحذك .. ويخيّل ليّه انك راح تفضل حتى لآخر واحد.. وحدك..
مثله وعبرة للكون المختل.. وأنا زيك لكن قلبى ولسانى مكبّل بالوطن المحتل
.. خايف م العله ومن المعتل.. تايه فى زحام شبرا.. وبواقى ميت سلسيل
صاحبى اللى كان بيعقسم ويأيا اللقمة يستخسر فيه القرش..

واخويا اللى كان بيشاركنى همومى وهذومى.. سهانى وماكيرش وصديقى
الشاعر أنكر.. ناكر.. ان اللى ما بيتنا زى ما هوّه بحالته وماخسرش..

أتذكر - مكسيم جوركى فى المنفى طريد.. راجع يتذكر إسمه المحركى فى
وطنه المتحرر والقلب وحيد.. يحلم تانى بصهيل خيل المطاريد. بالشوّه صبية

رقيقه تخاف م الدم.. قادرة تتخفف م البرد بكسرة وتتخفى من الضلمه فى ملايات الليل وزحام العيد وتحارب بإيديه عزل وصدور مصدوره.. من أجل الفجر الجاى م المنفى بالشعر.. وتستنه فى الزنازين بالصبر وبالمواويل..

أيامها كان قلبى يا دويك نص دليل.. وكنت بتنص لسان لكن بالقلب بحاله.. سوا كُنا ف عشه أو فى القصر.. كانت مصر الريق اللى مسكّر فى حلوقنا بطعم النيل..

أتذكر .. شليبه ومحمد جاد وأغانى نيرودا يمررنى رغيغ العيش.. تبهت صورة جوزفين فى دخان الكيروسين وخيانة الشيش، أدور فى وجه جيشارا وشهدى عطيه عن سر الغابات المنسيه المتعبيه بهم الفقر السارح على حيط النورث الكارو فى الطرقات المغيره المتغطيه بسحاب النظرة التخلاته على الفقرا من ميت غمر لحد المكسيك، بين النحاسين المدهوغين الجلد وهنود الصبار المصبوغين الریش، من ميدان الطلبة لفلسطين الحيش ... مالاقيش.

فى قلبى مغروزه كل رايات الشوره الجمر المرفوعه على سطوح المدن الورق الهيش، بتعضف جنى دوسيهات التقارير. الاختتام. الدمغه التأشير. الخطط. التحليلات. التوصيات. الجاهزه البايته النابتة زى دقون الأيام المتهاة على خدود النسوان العواجيز الحرافيش.. والرجال الكفراته فى ضواحي أثينا وكرنس تحلم بغموس العيش الخاف أو بتشيش الخدم الباقى من تجاريد جيش الترك البدو التتر الأمريك المماليك المهايش - جوايا يعيط.. ما ايكيش..

اتذكر جثة عبد الناصر ولينين مكفيين فى حنوط الموت الشعبى المتكفن جوه براوى الصور الشعبيه الرسميه اللى بالأمر بتتشعبط على صدر حيطان النسيان. وعلى غلاف الكتب الخرسا اللى بترفض تفتح قلبها للإنسان غلبان أو فتان إلا إذا كان درويش !!

أسأل شطآن الكاريبي.. اللى شهدت ليلة مارسينا أنا وانت ورفاقك فقلبتم ليها السكران البوكر لنهار.. ونطقنا فى جملة مفيدة حقيقه كل الصور الشعبيه الشعريه.. باسم الشعب وأحلامه الشرعيه.. وصدينا بكفه القاداره الجباره إعصار الزمن الصعب الغدار.. مش بأسالك إنت.. ماتجاونيش..

أنا بأسأل نفسى وكل إيماي لسان.. ليه جمر الميدان الأحمر مش قلقان.. من تقل الرجلين الدايسين على صدره ومش عارفين سره ولا سر سكوته وموته وليه ما بيتفجرش.. لما الأكاذيب الشرعيه.. تتكلم متعافيه بلسان العسكر دراويش الثودكا ويهود المذكر، أصحاب نياشين الطاعه والخرف..

يا هلترى يبقى سلامة العقل نتيجة حتميه لعدم الشوف؟ عند اللى اتعود

كذب الكلمه واللى اتعود يرمى حموله على أى ظروف صدغه زى الطفل اللى اتعود يكبر ولا يغلطش.. فيغلط كل ما يكبر ولا يعرفش كسوف

سيحان الله يا جورباتشوف.. الحكم كما الشعر ماهواش موضه.. ولا .. بس كلام وحروف.. دى الذره اللى انشطرت راجعه بتتجمع برضه وتخلق قوتها وطاقتها الاكبر.. الذل يا صاحب العزه ماهواش دايم من ظلم العسكر.. الشرف الثورى الموضه اصبح بيلام أى ظروف.. والنقد الذاتى حجه لستر المعروف..

إغسل تويك كل ما تكبر واتنكر لو ظرفك مش مألوف..

أخفيننا جروحنا حتى عن روحنا والرأسمالية لعبت ع المكشوف.. فاعمل معروف.. وأشهد على ما كان بيننا من دمع الحزن وآهات الخوف.. الأم اللى فاتوها اولادها لجل يموتوا على الجبهة أو فى السجن أو المنفى تقول لك..

مين اللى خلاك تتباهى عليها وعليه بلسانك.. بمكانتك وتاريخك ومكانك.. مين علم شعرك يعايرنى بلفتى.. ولهجة أمى.. ويخبر إبريا وجدى الأمى غصبا ما بين الحلم الربانى والحق الأسمى.. الحيره ما بتتخير... لو فى القلب الحس اتحجر والهمس اتحير.. حيرتنى وأنا مش قد الحيره.. ما بين دنيايا ودينى.. بين حريتى وخزيتى.. العند يكفر زى الفقر وزى العوزه وأكثر.. زى ما يتكفر طوابير العواجيز المتغريه فوق صدر الوطن المحتاج.. تدفن ليه أجدادى ف صدرى وتعزيتى.. تبرز صورتك وتصغيتى.. بتنسيتنى ليه الماضى لحساب الحاضر.. تحرمنى استفسر ليه عن بكره.. تعايرنى بجراح التاريخ الكافرة أتكسر - ازاى؟.. وانت الانسان الأجمل والأعدل والفنان؟..

مين اللى بلاك بشروط التاج؟ وبالأعيب الكرسي والكرياج؟ مين اللى غواك بالراحه المحميّه بقلق الزنزان؟ إمتى الثورى فيك التحول فيك سجان؟ إمتى الحلم اتخشب جوه كتاب .. واستوطى الباب العالى فطاطى علشان يكبر.. فين قلبك لاخضر؟..

ليه دباهات الشعب تخوض فى ميادين الأطفال؟ ودفاتر الخطه مابتسكشرى إلا بدم العمال.. والفن معتر فى دهاليز السياسيين متمكر..

داحنا من أضغر سن فرحنا معاك وفرحتالك.. يميزان العدل وميزان الموالد..
حلمنا بضى الفجر الطالع من خلف آهات الأحد الدامى يشق رخام جدران قصر
السلطان.. فى كل مكان.. غسلنا بإيدك عن خد الدنيا دموع الأحزان..
كبرنا ببك حتى امّا كُنا بسبيك نصفر.. فاكرو... والالهك الكبر المنكر فبقيت
بتفضل صمت النسيان.. أفضل ما تتذكر شعر النكران؟!



ح يعدكوا مصيرك
ويبدلوا خط سيرك
طول ما جنون حياتك
مرهون بعقل غيرك!



أشهد إن العالم أصبح أنكد، وكأن إمبراح أحسن من بكرة.. الحلم ماعادش
بيملك يدخل فى جسم قصيده.. الفجر صبح أبعد، الخير أعند، والشعر
السهل الطيع بالشك ملبد،

النار المتوهجه فى جبال الاتديز بتتقطع على لحن جيتار الثوار متهدجه فى
كتايس غابات الفقرا الظاهر ح تظل شريده.. شعاب مكه المحقره الجفره بتيشتر
كل بنوك الأرض وكل شاهات وخانات وآيات الدنيا.. هديانه جديدة.. والأخميه
نزلت سوق الباله تفاصل ع الحرية وتستبدل ثقافتها المحتمية بسجادة بلاستيك
ويغيدو حذيدة.. الحزب الثورى صبح له حق يخش الدورى وبقى عادى.. إنه
يمتج نفسه بحفله ومجلة ومكيده.. طهران استبدلت القنوه الشعبيه بعديده..
موسكو صبحت مانشيت الصفحه الثالثه فى أى جريدة.. ومصر - سعيدة..
بتدور فى الصناديق المرمية ف نحوش البورصة الخلفي عن فرصه -محاوله-
فى مقاوله جديدة..

ألمح بتروجراد أو بطرسبرج وأيها يترو بتشحت فى محطات المترو.. أو وحديها
ف صحراء الشتا والثلج الأبيض.. قاعده مسهمه فى الكوخ أبو رجلين
الكتكوت الأبيض.. مهزومه عجوزة بتفلى الشعر الأبيض دايله بين أسواق
المدن المزحمة فى العالم شبه الثالث وما بين الجوع والخوف بتبخلق فى الليل

الأبيض.. قدام البيت الخشب المهذوم السقف المهذود الحيل المدوم الحيله
وواقف على شط البحر الأبيض.. مرعوش بينوح فى وش الريح الكالح
لابيض.. بيصلى لقمر فلوريدا الجارج لابيض.. يلسع شفتى ولسانى الشعر
المالح لابيض واشوف فى دغميشة الصبح حوارى شبرا الشعبيه بتلهد ورا طبق
القول والعيش الصابح.. عمرى الجارج بيشتق فى لسانى.. سحرنى القول
القارج والا الشيبه سخطت أحزانى.. بدلت القول على طرف شفايفى.. والخوف
نسانى. ياااه ..

الأيام سكاكين بتحزف لحم الجرح.. يتجز اسنانها على الهم المكتوم الصوت،
قرش الملح، وانت يا صاحى يا غريب وخواجه.. يا للى مافيش ليك ولا لينا
عندك أيها حاجه.. يا للى ما كنتش أى.. ولا كان فيه زيك فى زمانك زى..
وكانت للمالحك فى التصاوير ضى.. لكلامك طعم وفرح وكنت بتدعك عينا
نفتح ونشوف.. تقوى دراعاتنا نعمل من حطب القطن سيوف.. نبنى من طمى
الترح البلهارسا سواقى وفساقى وفبارك.. نتعارك على أحلام السن الأخضر
نكتب فى دفاتر من ورق اليفره أحلام العالم فى شكل حروف.. نحلم بهجزة
المعروف .. بكتاب الديب اللي غلبه بالفتوة .. خروف.. وكبرنا معاك واحنا
بنزك وحين نسمع صوتك صوتك نجري ونطير - عصافير للحلم تقاوح ربح
التماسين والخوف .. تقطع دابر كل دفاتر كسر خواطر عمال التراجيل ..
وتدفي برودة سجن الحجز اللي اتعودت بقدرنى!

أعدرتى ... وزى ملوك الأساطير الأولى .. دبرنى .. قلقى على بلدى طول
عمره بيكبرنى.. قلقى عليك بيصغرنى ... إحنا اتغيرنا والا أنت قصدت
تغيرنى .. والادمانا اتصفت فاتعكرنا .. النيل اتبدل حاله وأصبح كل ما
يروينا - يكدونا.. الجنة اتفتحت ع البهلى اتبعتنا.. إنسأقت غصبا للحلم
زُمرنا.. طبلنا رقصنا زُمرنا .. هتفتنا زعقنا سكرنا .. عسكركم والا
عسكرنا... حكم الخوف والكذب فقس بيض الحية فى معسكرنا .. أصغر
حارس فى طابور الفرحه كسرنا .. ورضينا وعمرنا ما اتدُمرنا .. بدلنا
الكاكى بالجراقتات .. والجلابية بعقريته بلاستيك والعمة بكاسكيته والذمة
صبحت على ندهة تليفون .. يرحم أسلاكك يا (جيفارا) يا مجنون .. الثورى
أصبح بالتميين .. ويفضل لو مهزوم مأزوم ... يعدل حسبه ونسبه على قد
ما يسمح أديه وشيبة شنه ف حفظ وترتيل الكلمات .. التعلب سهانا وفات

.. إستكفينا من الجنة بفسحة ف قارنا بدكنا الحلم برحلة للقرم.. بيعنا الشعر
بتمنه - بلاش ... وحجزنا لأحزابنا ف غُرِف الإتعاش

بدكنا العلم ببيانات التأييد والأستكار والعلم .. ومواويل الحب بمنشورات
الخط العام الملزم للعقل العام المتحرك قدماً للبحر العام من أجل الحلم العام
اللى زعتاه بالترغيب والترهيب فى قلب الطفل العام اللى ح يكبر بالترتيب
والتدريب فيبقى الشاب العام المتدرّب فى الحقل العام المتجرّب فى السجن
العام المفتوح طول العام .. من أجل الحق اللى رسمه أمين الرأى العام ...
الملهى فى إحتفالات الرقص العام ..

سبعين عام ... لا حول الله يا (أبو عامر ..) ..

وانا كان قلبي ضعيف قدام الشعر الأبيض ... ما فهمتش سر حضورك كان إيه
معناه .. أجيال بتسلمنى يا ولداه برضايا لعيال الراجل لانيض.. عمك
(صابر) مصلوب بإرادته على شط البحر الأبيض (جاد برق) مضروب بمزاجه
بكل خناجر أكل العيش الأبيض (عريان) مرعوب من نظرة عين اولاده
بيتحدى جيوش البيت الأبيض... وأنت شعرك ماسخ كالح أبيض...بحرك مالح
هايجه على شطوطه متافع ومصالح... كل العالم قابل يتصالح ... وخصوصا
على دم الفقرا اللى اتهجروا يتامى على شط الأزرق لانيض... الى انت
لوحذك واقف، له على الشط التانى متسلح بأمانى واغانى قديمه ومعانى..
متلفح برهات فى لون أحزاني... الحرة الحارة .. الطالعة من جمر الآ ااه
يانى... الشارخة ف وجداني .. بتسألنى وتستجوئى وتستنطقنى تشل
لساني ..

ليه الريح اللى فردت أشرعتى راجعة ومن جدري قالعاني ؟ ليه الليل اللى
كان سترى وغطاي بيحط عليه ويتسلل فى تلايبب الحاني ..؟ ليه جمر
الشعر بيطنى وخمره بينشف على طرف لساني ..؟.

ليه ؟ .. مع إن الحرية والعدل وحق الفرحة.. كانوا ومازالوا الحلم اللى
مصصح فيه النيل والخيول.. وأغانى الحب، هدير الموج فى البحر الإنسانى..
وف قلبي اللى لسه بخيره يشهق يتنفس عطر جروحك وجروحي وما يبهوشى
من ذنبه لذنبك ويحلم يشعل تانى شمعة روحة من شمس الوهج الرئانى ف
قلبك...

ليه ؟ مع ذلك فى بحور الظلمات يتقذف وحدك... وحدانى مازلت.... والا
حتقيل تخضع لشروط الحارة ياترى معاك أفكار والاحجارة؟... وح تفتحها
على البهلى تجارة.. والأح تقدّر تنفذ بيها ويجلدك من حوى الكلمات والجمل
المختارة؟ خدنى معاك.. ما تسبينش اتكفن بالألوان فى مشاهات
الأعداء... المكارة..

أنا خايف .. وحدى.. (ميت سلسيل) دخلت كردون العصر.. قلبت ع الوش
التانى بقت ولا (شبرا ف مصر)-مدينة! فرحتها بيهك صبحت طبله وزمارة
وزينة.. وزغروطة مبطوطة حزينة... خدنى معاك.. يمكن أقدر وياك..
نستجوب كل الأموات.. عن ضحكات الأطفال وزهور عباد الشمس وشجر التمر
الحنّ. مسيرة مار. وعيون إلزا. والمتنبي ونجمات الميادين الحمراء فى ليل الشتاء
والخمره.. شهداء أول مايو. سولاريس. كورتيش المزروعة سجن الخارجة.
اضرابات عمال الترسانة البحرية. شابلن. قهوة رمانة. قميص هوشى منه.
كتاب التيل. فيروز. عذابات غربة بيرم. باب توما تماشل بوشكين. حواديت
أطفال أرباب. شط اسطميول فى قصائد حكمت. حارة ابوجبة. تل الزعتر.
المؤتمر الأول. تلج الصدفة على ظهر البير. عبد الناصر وكريتر. حنامينا.
دفتر برلين. الحال ثانيا. طاغور الهندى وابن إياس. أشعار. لوركا. بوتومكين.
ابن عروس. مقتل شهدى عطيه فى أغانى فؤاد حداد ورسوم شليبه. النار
الى كلتنى يوم كلت البنت القبطيه مابين لبنان البترون والسبتية..

نسألهم عن تفسير.. تيرير .. ترضية.. عن كلمة سر السوق البشرى ف عصر
التسوية.. يمكن يهدا ويرتاح فى قلبى أرواح الشهداء المجهولين الإسم المعروفين
فى قوايم إحتفالات التكريم الوهمى العام.. المنسيين فى هوامش اجتماعات
ذكرى مرور الأعوام ع الهم العام.. إرحمنى من الظن العام.. ومن الشك
العام...

يا راحل وحدك وفايتنى للألم الأكبر م الألم العام.. لأنه آهاته بتحرقنى
لوحدى... ياراحل وحدك وفايتنى لوحدى.. قلقان خايف مرعوب للأخر..
باتقلب وحدى على جمر العشق الفاتر.. اتقلّى على نار وشماعة شعر اليأس
الفاجر والحد الغل العام... إرحمنى من الحزن العام..

وياتخذنى معاك لمحيط بحر الظلمات العام.. مأسور فى شبك الأعوام المحتميه
عوام.. متمكن ملسن متأكد وحويط... يا ترجع لى قلبى بسيط... روحى
بسيطه وحلمى صغير.. وسيط... ويكن حتى حلم عبيط... كان ضاع منى
فى الزيتة الزحمة وسباق سنوات السجن العام..

ومازلت باحن له للآن.. ويادور فيه على ضلّة شجرة بسيطة.. فى أرض بعيدة
بسيطة مش باينه على أى خريطة تحتها أهدر عواجيز الأحلام وارويها بدموع
أحزاني .. فى سالف ليّام ..

يكن يتخضّر من تانى ... حلمى الانسانى .. اللى عمره ما حينسانى ولا
أسلاه..

واللى بيهرب منها معايا .. وباهرب ويّاه .. من أرابيز دهاليز الكذب العام.١



سمير عبد الباقي

جزيرة بدران/٩١

الدفتري التالى - ٣ : رباعيات ابن عبد الباقي

الأراجوزات العصرية

شبه شعبيه

شبه رسميه

عن الفلوس
الى ف جيبى
داير طاحونة ورحاية
ولامرة كسبت
يا ناصيبى... يا حبيبى
لوراضية.. كفاية
تقولى مرسيه يا حبيبى..
قومى إشوى قلبى
لعشاي
بس استرى ف عرضك
عيى! ❁
❁
أنا اسطى نجار
فصكنى..
بإيدى طول
من غير قدمين..
جتنى بالفن
هبلنى

كلح وفلاح
حزنى..
متسب لجودى
قلبى اتملا فى العشق
جراح..
والحظ
ضيق لى حدودى
ضحكت
ع التركى السفاح
قتل لى من شنبه
قيودى..
رميت حمولى
على الفتاح..
حبيبى
لهفت مجهودى! ❁
❁
أنا اللى زاد بيّه
هوايا..

لكل شخص
قرين أراجوز
فرحان حزين
مولود ويأه..
عاقل؟ يجوز
ويجوز نرفوز
يعدل له
أو يقلب له قفاه
ساعات عيل
ولا فرقع لوز
ينسى الحقيقة
وهيه معاه..
وساعات عجوز
لو يضرب بوز
ولا وزير
وأكلنا عشاء! ❁
❁
أراجوز فقير

أنا شلتُ أحزان

العاشقين..

وغلبته في الحب

فصلني..

وفاتني ألق

ف جهل وطنين..

وفاق سبق

قال حصّلتني..

وعارف أني..

ماليش.. رجلين!



○ أنا مش غراب

أنا أبو القردان..

ممنوع قانوناً

تصطادني..

طرطور وصوت

ملكوت فنان..

بس الفلّس متقصّدي

راسي براس

أجدع سلطان

ملوك وزعما

بتحسدني..

لذا ف جميع

كافة أوطان..

زنزان سجونها..

اتعودني!



○ أنا لما أختار

ما اختارشي..

ويوم ما أختار

حيرتي بتطول..

لا انا الفاجومي

الجحمرشي..

ولا كنت عمرى

زعيم مسئول..

ليه لما باسمع

ما افهمشي..

واقهم ساعات..

ما اقدرش أقول..

يا هلترى

العيش ماخمرشي

والا خمر في نافوخي

القول!



○ أنا ناقد عملوني

مؤلف..

كنت حمار

والفن شطارة

وانا مخى مرتّب ومكّف

أمدح أو أديح بعبارة

أنا أسطى

ف قالب متأيف

شيكنى

أشيلك بجدارة..

ماتلومشي

دا عالم متخلف

وصحافة

مكسبها خسارة!



○ أنا النهاردة قريت

جريدة..

صباحي يمكن..

يجوز مسائي

حسيتها مايصة،

كما عصيدة..

طابهاها تلميذه

في ابتدائي...

وقالوا لى مودة

أفكار جديدة..

بتقول دوائى..

في أصل دائي

أنا رحت أشكى

لدام فريدة..

طلعت قصيدتى

مرض ويائى!



ياحبيبتى ياهلفوتة

أنا زيك هلفوت

طول عمرنا حنوتة

فى لسان الكتكوت..

لقممتا الفرغوتة

.. يادوب بالسحتوت

على قدنا مزبوتة..

لو زادت.. ح تموت!



○ أنا أصلاً أسطى نجار

أراجوز

خشب الجوز والورد

تسكرنى رايح الأشجار

أخذ الدنيا

ف حضنى بجذ

واطلع وانزل بالمنشار

ويمسمار عمّرت الأرض

واتجنّ

من بصبوص نار

وخصوصاً

فى شهر الجرد!



○ أنا بيّاع الفرحة عسوي

نكتتى وصفة

لوجع الراس..

عشت هموم الخلق

همومى

ما اقدرش اهرب منها

احتاس..

علشانهم..

أنا بعث هدومى

ولجرجا أمشى

ويلقاس..

ويلدنا ح تعوم

على عومى..

أول مافوق

م الوسواس!



○ياحبيبي ياعود قرنتقل

وعيون برسيم نجيل

ليل الشّعر المفلقل

ع العاشقين طويل

فى ساعات محكّ يقلّ..

فى الحب يصير بخيل..

نفسى.. ريك يسهل..

واصحح بيك قتيل!



○أنا مخرج

عبقرى متواضع

خلجاتى بكل الألوان..

على رأسى

طرطورى الرائع

موهبة

من صنع الرحمن..

واقع أنا

فى الامر الواقع..

وانا سابق عصرى

بزمان..

وباتكك واهجم وادافع..

بس يا حشرة..

بنص لسان..



○يا حبيبي يا عكروت

يا شاريتنى يفلوسك..

من قرصة برغوت

يتوسوس وسووسك..

يا غريبة بسكوت

أنا مرعوبة أبوسك..!

أخذك حضن تموت..

قطر شبابى.. يدوسك..!



○شاعر

ربطوا دماغى بخيط..

بيشدوه لو حبوا اتعتز

قطعوه غدر

رمونى فى البيت

على مجد الماضى

باتحسّر..

فين أيام الفول بالزيت

كان شعرى

سمفته على سكر

قلت ياريتتى

قالوا ياريت..

صبوا النقط..

أنا فقت.. وح اسكر..!



○دلوقتى.. أنا

مهود الحيل

ياما صحفكم

حكيت عنى..

كنت زمان عنتر

ع الخيل..

مجد الحرب زمانى

الفنى

دال وقتى متوهنى

الليل..

طلع الصبح

هربتم منى..

فى اليسرى

سقيتوني الويل..

فى العسرى..

خبيتم ظنى..



○مخرج

خبير ومدير مسرح

فاهم مدرب وفلاتى..

كان روميو خايب

ومزبلح

ثورى وشعبى

وحكاواتى..

يرطن حسب

ما الريح تشطح

ينطق صعيدى

خواجاتى..

وكل مايقبض ينطح..

من كتر رعبه

من الآتى!



○أنا فنان عامل

أراجوز

مع انى الأراجوز

الأصلى.. أقدر اغنى

كل ما اعوز..

الخوف عمره مافك

مفاصلى..

قلت اتوظف عالمة

يجوز..

الحظ يروق

ويبص بصر لى!



○أديب وخوجه

على قد حالى

دارس مدارس..

فن وفلوس..

كان عشمى بكره

تُفرج ياخالى..

حصّة فى حصّة

تهدا النفوس..

أتارى سوق الحقيقة

غالى..

بالكذب يشغى

جذيان تيوس..

نسوّنى كل اللى كان

فى بالى..

ويدمى نسخوا

آخر الدروس!



○فن العبط

شادد حيله..

كفر سؤالى من ردّى..

ياحاكمنى

ولا بارم ديلّه..

أناديلى مبروم

على قدّى

لخفنى فنى ف تبادليله

حكم بانى الزم حدى

أسمع لأشعار دلاديله

أفزع

واصف على خدى!



○سياسى أنا علّمنى

الحزب

إنى اكون حزب بشعرى

ماليش مجله

شله وعِب..

ولا فى جهاز

يرفع سعرى

عشان كده..

عاشق وباحب..

ونكدى

غضبان طول عمرى

اشب بعصائيتى وألب

لذا.. محيرهم أمرى!



○صديق

صَنَعْتُهُ بِشَكْلِ فَنَى

وَعَطَيْتَهُ لَقْمَهُ

كَانَ نَفْسِي فِيهَا

وَهَبْتُهُ رُوحِي

صَارَ حَتَّى مَتَى..

وَرَسَمْنَا دُنْيَا

حَلَمْنَا بَيْنَهَا..

زَادَتْ هُمُومِي

إِنْزَعَدَ عَنِّي..

شَكَيْتُ مَشَاكِلِي

فَزَادَ عَلَيْهَا..

يَا صُنْعُ إِيدِي

خَيَّبْتَ ظَنِّي..

قَالَ لِي

شِكَايَةُ الضَّعِيفِ

كَرِيهَةٌ!



○أَنَا الْأَرَاخُوزُ

الْقَابِضُ

عَ الْجَمْرِ

مَشَّ قَابِضُ مَصَارِيفِ

أَنْ كُنْتُ مَرًّا..

مَانِيشُ حَامِضُ

وَلَا بَاعُومَ عَ الْمَوْجِ

يَا خَفِيفُ..

مَانِيشُ مَزِيلُحُ وَلَا حَايِضُ

جَدُورِي مَادُّهُ

فِي طِينِ الرِّيفِ

لِذَا عَمْرُ خَيْرِي

زَايِدُ - قَايِضُ

حَتَّى وَانَا..

مَشَّ لَاقَى رَغِيفُ!



○مَا تَفْتَحُ يَا ابْنِي فَتَحْ..

شُوفْ مَيْنَ بِيكَلْمَكْ

مَهْمَا تَعْمَلْ مَدْرَدَحْ

أَنَا بَرَضُهُ مَعْلَمَكْ..

الَّتُوبْ عَلَيْكَ مَرَحْرَحْ

وَالْكَدْبُ مَا زَمَكْ

لَوْ كَانَ شُوكَكْ

حَ يَجْرَحْ..

نَقْدَرْ وَنَقْلَمَكْ!



○عَالَمُ تَسْمَعُ مِنْهُ تَتَوَهَّ

وَتَصْدَقُهُ

عَلَى أَيِّهَا حَاجَةٌ..

طَيِّبٌ لِيهِ أَصْحَابُهُ

قَاتُوهُ..

تَكْرُوا مَوَاهِبَهُ

بِكُلِّ فِجَاجَةٍ..

فِي سَوَاقِ الْأَكَاذِيبِ

أَخْفُوهُ..

مَعَ إِنْ الْمَرَحْلَةَ مُحْتَاجَةٌ..

قَالَ لِي خُلَاصُ..

الْوَهْمُ بَاعُوهُ..

فِي عُبُورِهِ مَحَلَّى..

يَا خَوَاجَةٌ!!



○عَاشِقُ بَارُوكَّتِهِ بِيضَا

مِرَافِقُ بِنْتِ هَايِفَةِ

لِذَا أَفْكَارُهُ سَوْدَا

وَمِرَازِي فِي الْمَنَاكِفَةِ

لو قلت الحاله عيضة
والبقرة حاشفة ناشفة..
يعمل له قصه مؤدة
ويشتم فى البلاشفة!!



○ أستاذ سليل
الفلاسفة

وقعر مجلس مصطب..
ساعات يحب البلاشفة..
وساعات
وجودى مقطب
تبرد.. يشعلل مناكفة..
تولع.. يماين يربطب..
ويشاء رب المصادفة..
الضازه معاه يعطب!



○ عجوز وراه التاريخ
منذ العصور الأوائل
فاهم فنون الطبخ
من كل جامد وسایل..

م الشهد يعمل فسيخ
فى الدوغرى..
معوج ومايل
يصغر ويكبر يشيخ
ويموت يخلف قسايل!



○ صاحبى.. معلم

ويكيفه..
ماشى
على كيف الناس
كان نفسه ينور ريفه..
ويشعلل
ليله حماس..
الموج كسر مقاديفة..
انسدت نفسه
إحتاس..
وديونه كلت مصاريفه..
إيمانه
قلب وسواس!



○ كان لى معلم..
والعلم نور
بفته نور لنا البداية..
نزل بهمة
والأرض بور..
فهمنّا إته
ابتدا الحكاية..
أتارها طينة
من كذب زور..
باللح..
مضروبة للنهاية..
ومصر يحلب
وان قلت طور..
يصفعنى كفه..
حجر رحايه!
○

○ فنان مقلس
مع إنى
أغنى ما فى الكون
جعان ومرفود ولكنى
شبعان ميت لون

الدنيا لما تجنّى

أعمل مجنون..

واقترح بسيف مستون

فنى

لامخاخ الدون..



○أنا فنان أراجوز.

فلاح مش عرباوي..

عايق.. مش عنطوز.

رايق.. مش سماوى.

طفل.. جرى وعجوز.

بازرع غيطى حكاوى..

مش نفط

ياعلى لوز..

نبض الحب غناوى!



○ياعبله..

فين راح عنترك

يالبنى..

أخرسّ ليه قيسك

الخيمة صار لها زمبك!

ولبستى..

من بدع باريسك!

بادعى.. أن ريتا يسترك.

وتلاقى صنعة لعريسك!

إذ بكره يخلص دفترك..

وارامكو!

تعلن تقليسك



○بختك

يا ابو بختيت جنّى

بأحسب وأقلب

باطلع خايب

اللى عطالك واخذ منى

زاد فى منابك

وبقيت نايب

قرشى قرّيش

ضبيّع فنّي..

قرشك ريش

ترميه جايب..

حظك نصفك

تكبر عنّى!

لكن رغم حضورك

غايب..!!



○أراجوز شاعر

بيته قزاز

طب ليه مالى حجره

حجاره؟!

عيشته متاهة

ف بيت ألعاز.

قضّاها..

مقابل وشطارة.

قلت له ريحة كمك جان

مكسب كدبك

كلّه خسارة..

قال أنا.. عنتيل الإنجان..

سنّه كمان

والهف لى وزارة!!



○أنا رايق آخر روقان

والعهدة على الراوى

بتاعى..

ماليش فى أمور التوهان
أنا اشيل العالم
بصباعي..
سنيت ع القهر الأسنان
خبيت أوجاعى
ف أضلاعى
وح اسوقها على الفقر
جنان.
لحد ما اعدك
أوضاعي!
○ مسمار بطني
رغيف الفول
بيبت خطوتى
ع الأرض..
بيعدى بى
من المجهول!
حاسس إنى اتنين
على بعض..
واحد منهم عرض بطول
والتانى

طوله بالعرض!
بيحرصنى
أحارب الفول
ويقلّ أما يدوق العض!
○
○ زعيم
وراكنا بلاشي
لأنه من سلسال تركى..
سألت عنه البكاشى..
اللى ورثنا
على السركى..
قال لى السياسة
ماجايباشى..
أصل انتهى
اللعب الحركى..
دلوقتى لعبة
ماتحلاشى
غير واثت راكب
ياكاوركى
○

○ الهدمه
خبّت وش العذارى
حسره عليهم
يارب خلّى
بين الدقون والديون
حيارى
ياميت خسارة
ع اللى حصل لى
لوعندى شقة
شقين فى حارة
مش كنا طلنا
ساعة تجلى!
نقضى سهرة
على استمارة
نبات سكارى ونتوب
نصلى!
○
○ مرازى وأهبل
ماقبضتش
علشان مانيش
حريف فورى.

لسانى قالت

مارحمتش.

كل اللي خدك

يامغاورى..

عملت كوميدى

ماضحكش..

حزنت..

مانفعتش ثورى.

وعشان نكشت

وما كتمتش

شطبونى

من كشف الدورى!



○ديك الجن ركبته

براق...طاربى

قد ماسم الحال.

ربيته بشعر العشاق.

عرفنى على راس المال

علمنى.. الاسواق اخلاق

كهانها أصحاب الاموال.

تتعذل حسب الارزاق

فتبدل

وزن الموال!



○مغنى..

اشمعنى وياه يعنى..

حين يغلط بيزفلط روحه

إخترته زرعته

فقلعنى..

وطابت له

فساوم بجروحه..

شريته خسارة

قام باعنى.

يوم فرحى

نقطنى بنوحه..

حفظت مقامه

فضييعنى..

وطلعنى سلم لطموحه!!



○أنا أراجوز النوز

العربى

قولى رجال

ومش نسوان..

الدنيا عارقانى بأدى

من عصر الشعرا..

الخرقان..

انا سييت السيف

لأخوى شلبي

وسكنت

جزيرة البريطان

النفط شرم

برم شنبى..

وظفنى ف سلك

الفرسان!



○بورمجى..

طول النخلة وهايف!

موسم ورا موسم

ماطرخش.

بيبرق عينه ومش شايف

من كتر مايرطع

بقى جحش..

نص دماغه

لسان وشقايف..

شفته فى الجلسه

مانطقش

أتاريه كان متزرجن

خايف..

علشان من مدّه

ماقبضش



○نص حقيقتى معايا

نص خيالى معاك..

لذا خايف لهوايا

يخالفتنى فى هواك

ما التقيش ورايا

حين تعوزينى وراك..

ويضيع فيكى غنايا

ولا اقدرشى انساك..!



○متمرس

بالحلف الثورى

ياصامولة

مسامير الجبهه

عارف مين

راح يقبض قورى..!

أول مايخلّع أبوابها

ومين ح يبيعها

شكك يامغاورى

ومين على حبله

ح يلعبها..

ومين ح يهفّ

الكأس والدورى..

ويسيبها..

كلايها على ديايها!



○أراجوز بواقى

عصر الملوك..

عصر الالاجه المحفلطين.

ومازلت ملّزم

حُسن السلوك

طباع جنودى

المحبطين..

للظلم قالوا-

ملعون أبوك.

ويسرعه غنّوا

متأسفين!!

والقمح لما يخاف

الهالوك..

يعجن رغيغه

الحلال.. بطين..!



○أبوك

ماداقش لحمة

من يوم ما كان صغارا

فرح بالدنيا زحمه..

وحبّ الناس

كُتّار!

كان قلبه رقيق ورحمة..

وذنوبه كانت كبار

ياما قال:

ع الضلمه فحمه..

وعلى النهار.. نهار..!



○ياما نفسى ف

أراجوز

ماحصلش فى السابق..

مش من نوع نرفوز

لا.. متمدّن رايق

علشان لما أعوز

أساهركم وانا فايق

واضربكم مهموز

يجمعكم

فى دقائق!



○حصار

ركوبه..

من حقى اركب

ياسياسه ضاع

العمر بلاش..

الكل باع-

وكله مكسب-

وانا خسرت

عملت طناش.

ورجعت لما بقى المذهب

لبانة

فى البق البكاش

قالوا لى

مش مسموح يركب

اللى بجهله مالايمهاش!



○طرطورى الميت لون..

الطنونى الطاغي..

قد بلاوى الكون

الحاطّه على دماغى..

حالف لى المجنون

إنه ح يجيب داغى..

قلت العمر يهون..

قام رقع لى صداغى!



○رسمال التاج

طرطور وعصا..

أراجوز مهزوز

قزعه وطايل

ومكير وخبير

فى البصّ بصّ بصّة

عريان الإيه!

لكن خايل..

إستاذ ممتاز

هبش واصلّ لصّة

نو خبره

بيسوّى هوايل..

علشان يكحلها

يقول خصّ خصّة

يعميهيا..

ويقول أنا هايل!



○رغم جنونى

أنا مش مجنون

مع إنى فى العادة

لهلهى..

خمسه سياسة

على ستّه فنون

ولا عنديش

فى البتك الالهلى.

على إيه ح ازعل

لو هدوا الكون

أو ولعت حرب

ما بين أهلى..

ماكفايه ازعل..

ساعة لو جون

فى زمالك يدخل

أو أهلى!



○ عبيط يعيط على

بكره!

مع إنه

ماسترش امبارح.

أيامه مفتوله ف بكرة

متقوعه بين مر ومالح..

ياماشى على جمر

الفكره..

بتقنى للطير السارح

إعشق

..لو الناس راح تكره..

والعصفرة

تبقى جوارح!



○ أكنى مثقف.. فنان

..ع الريق لازم

أقرا جريدة..

نشرة مجلة

أو جرنان

عشمان ألقى

حكاية سعيدة..

تفسل عن قلبى

الأحزان..

وتيشرنى

بحاجة جديدة.

أتاريتها..دنيا مورستان!

وانا محكوم فيها

بتأبيدة..



رئيس ادارة كلمنجى..

من طرح ايام الغمة

فى السوق

طلع حنّ حلنجى..

فى الزاوية

متواضع.. ذمه

يكسب هوا

شنجى برنجى..

يرمى الضسارة

على القمه..

ولد مهذب ولومانجى..

مخبّى مدفع فى العمه!



○ يا حبيبى يا شارينى..

ولا قفنى ف سلوفان

يامجنّ مجانينى

مناخيرك شكمان..

تعرف ولا (بجانينى)

ترقص ولا (شريحان)!!

قبضنى بقينى..

عايز اتغطى..

وانام!!



○ شاعر بعيد النظر
لكن غشيم القلب
حذرنا يوم الخطر
قوانا يوم الصَّعب
لكنه وقع انكسر
على بوزه طبَّ وحبَّ..
حين سَحَرَه
ضى القمر..
تقولشي
عضة كلب!..
○
○ والد وخلف
خلف خلفه..
وخلفه
ولف على الخلاف.
يحنُّ مرُّ اللَّظى
ف خشافه
ولما يطلب رضاه
يخاف!..
ليه ما فتحشى قلبه

أما شافه؟..
كان مذَّ رجله
قدَّ اللحاف..
وقنع بحبّه
ساعة اكتشافه..
ورضى برغيفه
لو حتى حاف!..
○
○ فصيح لسان
وسط الطرشان.
همومه..
ع القلب زكايب.
فنان. فى دكان..
صاحبه جبان!
فاجومى..
ما يحفظ واجب
يسوقه فى السوق
كالرهوان..
يعمل على حسّه عجايب
ويروحه خيبان

ندمان..
يربط صامول
بطنه السَّايِب!
○
○ قائد..
نص زعيم..
بلسان.. يطلع طوله..
يفتى
كأنه حكيم.
ونصدّق مايقوله..
طبع النَّدل لثيم..
بيزوق مفعوله..
ياخية المظاليم..
حين- خانهم..
هتقوا له!..
○
○ حبيبي
بلا رحمة فصلنى-
وكتنا.. على درجة حبيبين
عيشى انقطع

ماوصلكنى..

وشبرى كان وياّه.

مترين..

يارب يقطس وانا أصلّى

وأدفته فى رموش العين

أو أموت أنا

ويحصلنى..

وقبر أبرك من قبرين!



○عمده..

مرتاح مرحرح.

عمره.. مايقولش لأه!

يفتى يهتدز يصحّح..

فى هايفة ومستحقّة.

له كرسى..

ف كل مطرح

وف كل لجنه - لازقه..

لكن فى الجد يرمح -

ويزوغ

بكل رقة!



○حقلط زقلط عجيتّه

خبّره ف رقص الحبال

على طول عقله يزيّنه..

ولو زقّوه.. عيال..

من خوف

يخلص خزينه

بقى يخاف م الخيال..

وصبح شماله

يميّنه..

وكان يميّنه شمال!



○صاحب موقف

سياسى

أبيض- وساعات هباب

ويقول كلام حماسى.

لما يزوره شباب

ريّ كاللوا.. فى راسي

قتعننى نكون

صحاب!

أنا جُعت

لقيته ناسى..

عشان غداه.. كباب..



○أنا عمى لاسطى

فصلكنى..

لكن ماقالش

السكه منين!

قال- لو مكسّح

حصلكنى..

وساينى أحجل

بعكازين..

أمانه لو ح توصلكنى

لقبرى..

ياصاحبى يا حسين..

اكتب عليه الى

كسرتنى..

إنى ما كان لياش

لساتين!



○يا أهل المروءه

اتسلفتى..	حسب سلو	ح انور عليكم
وانا اللى حافظ	هذا الزمان المجليط	ح ادعبس واعسس
مواويلك..	⊙	فى سلقط فى ملقط..
كل اللى حيلتى..	○يامصر..	ولو اتنى مرعوب
اشتم	انا نفسى اشكى لك..	لو التقيكم
وافتى!	كافة ولاد يوم خلقتى..	أتوه لما اشوفكم
⊙	دول اللى عكروا	وانجنّ أَلْخبط..
	ماء نيلك..	واشارك ندالة..
	ودول فاتوكى اتخلقتى.	سفاله تعاديكم
	ودول نسوا	اسوق الهبالة عليكم
	يعدلوا ميلك!	واعبّط
	ودول باعوكى	أشوقكم تضيعوا
		ولا افتديكم..

دفتر العامية المصرية

الدفتر التالى - ٥: مواجع مصر على هوامش
دفتر جبرتى العصر

مواجه مصر

على هوامش دفتر

جبرتي العصر ..

الزمن خالف ظنون العاشقين
والحساب ماخطبطش ياقالح معاك
اليسار ريح على حجر اليمين
وابتدا يحلم بسكرة من دماك

❦

○ الشعر قليل والبق كبير ووسيع
الوطن المسكين الموعود بالخمسين في كل ربيع
زُودان بقصايد ياما كثير.. ويمشاريع
بيعمّض خيبة أمله ف زجله-
بالرقص ف مسافات الشرا والبيع!

❦

○ قمرك مبلّى بفقر الدم وممقوت
والشاعر قدّه كدمه.. هلفوت
داخل في هيستريا الأساطير العريانه على جناح كتكوت..
أحلامه كلتها البكتريا خوانه..
والشعر يادوبك وسع الخطوه للموت..

❦

○ اطفالك تسبوا شكل الشجر التوت
حورس في المنفى بيوفق بين خطوة أمه الخافيه
وخطية ابوه المتكفن في تابوت..
فانجنتنا من ذل الوقفه على باب الظالم يا أوزير

نترجى العفو من التعاتير..
وامنحنا القدرة نتهجى شروط الملوكوت.. ونموت..



○ جندناهم للحرية جماعة
وحندناهم على حلم الإشتراكية فى ألف مجاعه ومجاعه..
ع الأمل الزايف فى قيام الساعة سمعناهم..
لعساكر اليأس الخايف سلمناهم..
فى السجن لأحلام الغير سقناهم
وف عز ميدان التحرير توهمناهم فى متاهات القصصى القومية..
وسمناهم بالفوازير.. الوطنية!



○راشيل متغيره للموسكى سياحه
بتشرب بورى التفاحه والشاى الأخضر بين القصرين
وتخش الكورس أحيانا ورا عم إمام
وان غضبت ضربت بالشكوت أولاد الست الفلاحه
خلفه سيدنا الشيخ العاصي وولى الله المقدام
حلاب البقرة النطاحه..
واما بتخلص منها الفيزه بتنام
على حجر نواصي الأمن العام..



○البطيخ النمى اتلخبط بين الشتا والصيف
يام سمير- أحزان خضرة مش تخاريف
لو كان خير فى سلامه مين قال إن سلامه ف خير
الأرض اختلفت ويا الجغرافيا على تعريف الضيف
ولنفس الأسباب اختلفوا الكتاب على نص رغيث من باب التغيير!



أمنت بالناس طعنوني الحتاش في حشائ
أصبحت أخاف المسا رعب الهزيع الجائ
قدّرني ياشعر على جرحي- أبويا النيل
غضبان عليه وغفر للخاطئين.. إلأى!



○ قلبك إنت اللي قسمته لنصين
نص رميته بإرادتك لكلاّب السكك السعراة وتهشوك..
والثاني زققت به أيتام الحرب الخسرانه وكروهوك..
نسيت في زحمة خلافات الامميه والقوميه والدين
أمك وخالاتك.. والذمّه اللي طلعت في البخت لابيوك..



ياللى انتى عطشك رواء ريحان أباريقى
الحلق مرّر وكان ملحك حلا ريقى
إيه غيرك من جهاتك لاربعه عنى
صباحتى طبعك مطاوعك فى نشف ريقى



○ قطر الدلتا موّنون م الحر
ماهوش طایل عُقب الباب..
وبقرة بركه نشفت بركتها من القرّ
وأخوك بعد جنون الثلج ف ارض الأغراب
بيقول ياشر اشتر
بيداوى جراحه بجنون الرمل ف سراديب الأعراب!



○ لو كان الراتب ح يكفى..
ماكانش أبوك اتوفى متكفّن بهموم القوت

طول عمره ماداقش السردين المستورد
ولاجابوا سيرته فى (قضايا فكرية)
ولا مره افتكروه بجوايز الدوله الاشتراكية
ولاداق ريات التفت الثورة لاحول الله..
مع انه مواظب من صغرك.. ع السجن وع الجامع والمنفى
وبيتوضى لصلاة الفجر ليلاتي.. ويصوم م العام للعام
علشان يقطر على بصلة من غيط الحلم الاتى!.



○ اسم النبي حارسك طول عمرك كنت أمير لكن نكدى
من هذا النوع اللى بتطلع له على أهون إنّه الزايزير.
لكن ريح نفسك تصبح على خير.. اتمطى واتغطى ونام..
انحلت عقد الأيام..

ومن الصعب ان الشعب ح يدخل فى مدارسك..
بعد متاهات العصر ماغدرت بفوارسك..
وينفسك أعلنت على العالم- كفرك بالأحلام!



○ قينك يارقيق العمر الطيب يا بعيد وقريب.. يابكاش..
لسه الشمس الداقيه مانسيتناش
ويوماتى بتبعتر روحها ف نفس الأجران ماتلاقيناش..



○ الحاقى راح يفضل حاقى رغم الكرافات والجزمه
وتحليلات الأزمه اللى بتقيل ميت تفسير
السبب المعروف الخافى..
لكن ويرغم زفارة خلجاتك لك ع النسوان سلطان
على راسك ريشه وفاقى
وسكرتيرتك ذات خيريه مع الأحزاب وف انواع المونيكير
وف أساليب التحضير
وانت ف عبك ميت تبرير

ولك تأثير على بورصة تأميم الأحزاب من أجل التغيير
ولذلك فمؤكد ممكن تبقى وزير!



○ليه الواحد كل مايكبر في السن بيصغر.. ليه؟..

سألت الخبيرة العيرة التواريخ الأساطير

سألت العمم الهمم القمم - الأمم - الرمم اللي لبست طراطير

وسألت الفوازير حيّرهما سؤالي..

قمت سألت طفولتي .. ماجاوبتش عليه..

لكن قالت لي أفتش في خلجات إخواني!



○كان فيه شاعر إسمه فؤاد حداد

كان يقدر بقصيدة يلين جبروت سجانه

كانت له قدره غريبه على فعل الخير وعلى نسيانه..

وماكانش بيعرف عنوانه غير بعض الشعرا.. وجميع أجهزة الأمن العام

ومازال البعض بيتسند على كتفه

والبعض يخاف يذكر إسمه على طرف لسانه..

والبعض بيدعى أنه من صبيانه وبيتقن لجل يلهم الناس عن ألحانه

بالكتابات الهجاصه المهيأصة اللي بتفرح لاولاد..

مع ذلك... كان فيه شاعر إسمه فؤاد حداد!



○الجميزه بتحرق في ذاكرة الشبان

البنت اللي بتعشق اختارت تحرق روحها ف لبنان

واختار العايق انه ينصب روحه على أمه واخته سجان

صفصاف الترع إصقر على الأحزان..

ياعصر الفشل الكوى

الحزب الثوري ف زحمة أشغاله وكتر مشاكل رجالة اعماله-

ومن قلقة على رسماله - كسر لعبة اطفاله سليم والخشان..

واحتمكم الأمر فسلمهم غضبٍ عنه للنسيان..
بدال مايسلمهم طوعا للسجان.!



○بريّه منك يامغاوري
الباشا كان في الاول بيه واترقى
وانت اللى ضيعت ثمار العمل الثوري رزاله.. وحماس..
القرية المخرومة ماتسعفش السقا.. والعرق الواطى دساس..
ولذلك رحت السعوديه تجيب حقه م النفط العربى..
وزى بقية الناس جعمرت على الوبر التأيلو وكلت البسياس
مضغت البيره مع القات..
شربت الميه بملح وعرقى البلح السرى ولحم النستاس..
ورجعت مغير شكلك ع الموضه..
دقن ولكوك وخناجر فضة ونحاس على كل مقاس..
غرقتنا في مشاكلك..

(كلاكيت / آخر مره..)

مصر المحروسه الحره..
مهما ح تسقى على سطوحها سموم الزمله المره
ح تفضل تكوى جروحها- على جمر الفقر عديم الوسواس!!



○كنت زمان بتعافر وقتك عيني عينك..
بتواجه كل معاييب دنياك متحامى ف دينك..
دلوقتي لما تنتظر في مرايتك لجل تعد سنتيك..
مابتقدرش تفرق بين لحظة تعيتك وستين بتهينك!!



○الحاج الصديق الصحصاح على سهوه بيسالني..
-لامؤاخذه يا صاحبي يافنان
هو الواحد لسه ف عمره كام سبعين عام؟

علشان يستنى لحد الدنيا ماتصحى من تانى.. على طبل العدل المشروخ
وتنوخ على وصفه تشفى العقل المسوخ..



○إضربها طبنجه ياعرفات..
الديمقراطية كما التنظيمات أصناف وميزات زى المانجه..
شوف عندك جورباتشوف..
من يوم مارى السكسوكه بقى قبل مايكتب يستجى الأفرنجا
فيقبض بالريالات دولارات..
ويلمّع وحمة قورته بسفنجه من بحر الإمارات..
ويَدَل كافيّار لاشتراكية- أصبح بيمزّمز بالرنجه!.



الكون ماهوش طابق من الأحزان
حتى تباشير الصباح.. ماله
امتى المسا يلحقنى بالنسيان
أو فرحة حتى لو تكون ماله..



○العصافير اللى من الرمل ماهيش عصافير
لاح تفنن ولاح تطير حتى ولو يرجع عصر الأساطير
الكلمات الماسخه مابتترقدش ف قعر البير
الكذب بيبقى لها جناحات..
البيضة دايله ورا الفرخه.. والتعلب عدى ولافات
ماتخافش سلامتكم م اللبخة..
(القدس) ح تقلب (موناكو) ف آخر معركة التحرير
ورغم جميع المحاذير
السّر اللى دفناه تحت الزير مع بعض جاب الحزب الأرض..
اتمستح روح الفنان
وبيقت اسراره دخان كركرة الجوزة ف زهر البستان

وزعيمنا زى زعيمكم زى زعيمهم متثبت فى الكادر
مربوط ع الدرجة.. وماfish تغيير!



○ لا كنا صغار كنا بنطفى بنفسنا فوانيسنا
لجل تحضر فى الضلمه شياطين الجن تونسنا
تحكى لنا ونحكى لها الحواديت
نتقاسم وياها اليصل المشوى واحلام العفاريات
دلوقتي فى الضلمه وفى النور بنشوقهم عواجز فى الدهاليز
قاعدين فى الأرابيز خرس ويبرقوا فى اللوح المسطور
مايقاش بينا وبينهم أى حديث..
عنسنا.. كبرت.. عقلنا واتسرقت منا أحلام المساحيط!



○ فومتناكو بخير يابتوع الواحة..
الجمهورية الشعبيه ماعدتش كما هية..
دى الست الفلاحه مايقتش هفيه.. خلاص..
عرفت حفر الباطن م الاثنا عشرية.. والأوتوماتيك م البلاص..
زى انتو مايرضه عرفتوا فروق العمله بين بنك كرتير والصحرا الغريبيه
عرفت طعم القعده المرتاحه يا (عمدة).
داقت العيشة ف بوتيكات الغير... والصرف بدون فواتير..
لحد مانعمت ع القول المدة!



○ وقّر راسك.. تلقى خلاصك
دوس على أم نافوخ الدنيا بكعب مداسك..
لكن غنى.. غنى.. غنى.. غنى حتى لو مازوم- غنى
أو وطلتك مهزوم.. غنى
أو عصرك متدنئ... غنى.. غنى.. غنى..
ونس وحشة ناسك باللحن المهوم.. الطالع من حرقة إحساسك..



○فى ثلاثة وعشرين يوليه ح نعمل حفلة فى جزيرة الشاى
يخطب فيها العفريت وابو حنتيت والنساي..
وح يحضرها كل الضباط الأحرار والأشرار
من روز اليوسف لمباحث دمياط
والقاضى بتاع غزه وبعض الصحفيين الخصيان.
وبعض النسوان، ويقايا الأجهزة والشخصيات الفذة
مع بعض المساكين الأقباط
والشعرا العبطا وهبل الثوريين اللى اعتزلوا كل نشاط
ح نخطب فى جلال الذكرى كإن امبارح بكره ونمنع أى عياط
نحكى ف سيرة عبد الناصر ونجيب والبقري وشهدى عطيه
وفتاتين سنباط.
نتهش لحم الديمقراطيةه الحى بدال المرّة نتباكى على الخط الثورى..
نمارس بشجاعة لاستبدال بعض الاستهبال على بعض..
بيعض الإستعباط..!



○حواليّه.. كانت الدنيا ف كل مكان متزهزة بالألوان..
أبيض عادة.. وأبيض سادة..
وأبيض ف أبيض وأبيض.. أبيض..
حاجة مش معتادة..
وكنّ الألوان بتعجز وتشيب.. زى الإنسان!



○سبتمبر مش انقلونزا ح تيجى وتروح
سبتمبر كارف ريحة دم ياحمزة.. وواحد شكل جروح الروح..
يتاير شايل هم البوتاجاز والمكرونة..
أحلى افراحك خدها الصيف والشتا بالأحزان موعود..

والخوف من امشير يامجنونه طبيعى لى غسيك م البلكونه ويبيع
بياع الشربى الناصح يقلب على صبغة يود
حين ينفث الجرح المؤؤد فى رمال الإحباط
فاعصر ع الذنب لمونه.. إبلع
مادامت امريكا ح تسدد كل الفواتير.. راح تدفع..
أوروبا ممكن تتدخل تستورد منا الزير والكراكر والصغدع
واحنا نسوق الهبلنه ع الشيطنه ع البلقنه ع اللبنته..
ونحلل حل القوازير
ونشجع دبع العصافير على إيد العصافير..
ومادمت تسمى"وتيسمل حسب الأشراف الشرعية..
وتقرا الفاتحه على روح الشيوعيه بيقى الكل تمام..
صدر اولادك وبلادك جاهز لدانات المدفع!



○جايزه لبيجوقتش وجايزه للينين.. بس الرملى
جايزه لروائى غنائى متربى ف دهاليز الداخله
واثنين لاثنتين من نساوين الامن القومى وتلاته فنيه..
لناقد ميكانيكى ولشاعر ميتافيزيقى
ومفتش جمرى ورئيس تحرير زماره..
جايزه متميزه لمحلل قتل العلمانيين من شيوعيين ويهود ونصارى
جايزه لففير الليل فى مصيف هوتولولو
لحمائته نسوان الشيخ م الفتنة
جايزه لكناسين هولويود..
جوايز ياما جوايز.. للحلياط والجلياط
للخمس رباية دمياط..
للفاتن والغالب والفاقد والناقد والفايت والخياط..

جايذه للفايز وجوايز للمهزوم لوعايز..
إلا هو.. الطفل الناشز والطفل الغلاط
الى يبلعبوا بحجارة وقزايز.. بتشعل ديل القمه.. شياط!



○ وحده المنكوب الى بدل كل مزيا العصر عيوب..
يونيه المعطوب الواقع من قعر القفه
سكين الأهل الى دبحتى.. وميت حتى سلختي..
همى المتخبى الى معبى ف قلبى ملوحتى
غارز كل خيانات تاريخنا ف جنبي..
والى واخذنى غدر بذب ابويا وبذنبى..
ضاربنى على أم نافوخ الإيديولوجيه شارختي..
وبلانى بالضحكه الآه.. والكذب الصدق الآه..
بالطم الى يوز الإنسان ع الموت
ويكفته بالأشعار الباردة المحرومه من ريحة الورد..
الواخده من الحيوانات الصوت الساكت.. والى بتعوى وتموت ولاتنطقش
رمادية ومن غير طعم وريحه.. زى الذكر التوت..
فى عز ربيع العمر القادر عاقر.. ماييطرحش!



○ الزمن الخايب خلى الشعرا أرايب.. والثوريين سكاكين
والمرسح هم ومش جايب.. والحزب ورق ومكاتب ومصاطب والفن لابيوريا..
كوريا ف موريا لامواخذه يادكتور..
أنا مافهمتش ليه إصحابى يتسالنى عن العملة الصعبة..
وامتى بتصبح سهله سيجوريا فى التفسيرات الشعبيه
والمرحلة إمتى حتخلق للأسطى.. كابوريا..
قبل ماتطلع للجنة دقون وشوارب.. أو تتحجب سوريا..



○ضحكوا عليك يا حسين

زى ماضحككت سندس على أمونه فى ثلاثه وخمسين

لما ركبها طاحونه عشان فص لمونه

خدعوك لما قالوا لك دى النمرة المضمونة...

انت ماخدتش خونه.. وصدقت..

كل اللى مصوا دماء الدنيا وطرشوها عصروك كميونة..

تجار الأسلحة/ عمد المدن الحرة وعمد الزناتزين/ زعماء الدولة

الرابعه إخوانك من سجانه ومن هجانه/ الصحفيين النقطيين

يسار ويمين / ركاب الدراجات المأمونه خدعوك زى ماخدعوننا

لكن اللى خانونا .. يجد وكسروك لما صدقت..

ماكانوش تجار الباله ولا الشعرا المجانين ولا رجاله السى آى إيه!

ولا أصحاب المال الصدقه

ولا خبراء الفكر المضروب الجنونه.. سراق الوقت..

لا يا حسين وماقيش حد أحسن من حد

ميت سلسيل مش هيلة ولاكانت مجتونه..

طول عمرك شايل هم الحلم ذنوب

مافكرتش حتى من باب الفنطرة تضعف أو تقرف وتتوب..

ضحكوا عليك الآلاتيه أمآت وشين.. اللى لعبوها من بدرى على الوترين

حيروا قلبك مايبين كسر الخاطر أو كسر العين

سرقوا منى ومنك أكل أيام العمر لحبك الملعوب..

طلّعوا نقيقك فى الآخر على شونه..

حرموك حتى من طعم الدمع على الخدين!



○العيش والملح خناجر مسمومه فى العضم

ياريت هم السلم قبول سوريا لحواذيت اولاد العم

وياريت هم الحرب الأهليه غربة أشرف..

وخلود الروح الأُمّية ف موتى يوم مايتكشف السر وأعرف
ياريتك ياخفيف الروح الشعبيه كنت خفيف الدّم
كان يمكن تنزاح الغمة عن قلب الأمة أم رساله هلمة وخيال ممسوخ
وتخف بحور الدم.. ياريت..
وياريت كان اولاد الثقفى يتعلموا إمتى بكياسة وفن
وبسياسة يلفوا على راسنا الغمة
لجل مانتحمل فى عزة ووطنية ضرب الشمروخ..
❁

○ماخلاص الشمل الى اتحل انتم وريطوا الحبل السايپ..
ياريت كنت لحقت لك نايب خنوا عنتر فى اللجنة ياعم سليم..
وانعقد المؤتمر الثالث على نفس الخط الخايب..
عقبال الباشوية وامانة الإعلام..
ما انا كنت أخوك طول عمرى وماكتتش عايب.. لكنى جلعت حمار
كنت مصدق إته عبد الناصر بكره حيرجع فى شكل الأشجار
وانه شهيدى ح ياخذ لون الأشعار
الى انصبغت غدر بدم الأيتام فى ابو زعبل
فبقت زى اللين الرايب.. والفول النابت فى الارض البور
الولادة ما جابت إلا اثنتين عود
والأغلب مش ح يصيبك نور..
فاقتنع بالمستور واخضع للثابت..
ولا ح تقبل انك تشهد لجل ماترضى أصحابك-زور.



○يرحم أمك يا (إيزافيتش)
كان جد كانه هزار يوم ماطلبت تخش الإسلام
ما كانوش الشعرا إيامها من الضباط
ولاكان للعسكر فى النقد ولا المسرح ولا فى الأشعار .
ولا كانوا الخلقى بريوا بقونهم ع الموضة.. ولا العشرة ف أوضة..
❁

وصحيح كان أيامها الصبر مرار.. والكذب كما الوقتى ستار
والشاعر لسه ماقدرش يصاحب التجار.. ويغيّر جنسية لاستعمار
قضينا ليالى عواله وليالى استحمار
كنت لوحده تقبض كاش.. وتسافر فى الأولى واحنا فى القشاش..
مع اننا كنا بنهتف لك ببلاش..
كانت ضحكنا من القلب ماكانش الكره ولا الحب قرار..
فاعذرنا لأننا غصّب بكينا.. لما اتذكرنا الليل المكروش الأنفاس..
بيدور ع الإستقرار فى أى نهار أومينا..
والعركة اللى اشعلناها حماس خليت بينا وخلصت قبل ماتبدأ..
الزعما اختلفوا فيها على الأنصار حدا أول مفرق
طفوها بتقّه قادت فى كيد النّيل- النار..
اشتعلت كل الأتهار من نهر الفولجا للنيل الأزرق..
❁

○ماكانتش (نعيمه) بتسال أيامها عن تفسير
العشق مهوّن غريبتها والكذب كافيتها التعاتير
كانت حاسّه انه مادام السر ف بير يبقى سلامه ف خير
ماكانتش جبانه انما متاخذه خيانة..
خلق بتاكل فى خلق جعانة وأوادم راكباها حمير..
وقلب الشاعر وسع الجبانه..
لحد ما كانت رجعة عمدة كفر البلاص من واشنتون..
طّفحنا العيش والملح سطلنا باليتسون..
فكرنا بالجرح ضحكنا و مافرحناش..
كتبنا حتى على ورق اليفره وماقريتاش..
إستقرينا فرص الزمن الخطاف..
والعمر بيجمع خلجاته من إيد الخلق بلاش
سودنا يا ما دفاتر تقرا مانقهمهاش..
كانت بتقول الحيره ندم اللى ماخيرناش..

لو كنتم لما اتغرّيتم قريّتكم.. حسيقوا ف وشكوا نقطه دم. وجرّيتكم..
كنتوا إستغريتم ليه الفجر ماجاش.



○ الدنيا مابقتش بتستاهل غير الحرق
الطعميانية بنص ريال.. والشيعوية بنص رغيغ..
الأشعار تهمة أزلية حتى ف شرع الحلايف..
الجغرافيا ف عرف التاريخ تخاريف..
وحدود الأوطان العصرية بلاستيك..
كلامنا كله رغاوي زى الكبريت فى حلق الريق..
القصة كلها فانتاستيك..
عمر ك ماصدقتنى حتى بالكذب.. ولا أمنت الا بتفسك
أمنتنى غدر

وعشمتنى بطلوع الفجر وإيلة القدر
يا إيلاستك.. ياصديقى يامثقف يا أبو العريف.



○ ناقص إليه ياخفيف فى جرايك..
حتفضل للأخر نكسى.. وشريف..
والأ ح تروح تتلمع ترضى بعدم الإنصاف..
وتخش الجوقه مرعوب ببسلىّ الخوف..
عريان ويبجبرى ورا مشلح.. عاجز واخرس وبينصح للطواف..
والضلمه بجمر النار الضلمة بتسلح..
يتوزع فرافيت سجيل بفتاوى الدراويش.. وتديل ورد المستقبل
واحنا كالعاده مافيش
فالحين نتقرفص جار الحيط المائل نتدب حظ الفقرا فى الحوائط
فى الاجتماعات نترصص زى التوابيت نتخايل على بعض
كارهين ريحة بعض ونتباهى على بعض بقلة بعض..
نتعابير بخيانة بعض لبعض

فاكرين ان الناس ناسيين علتنا بلمتنا على بعض
أو مش قاهمين غلطتنا ف خنقتنا لبعض
لما بنلاحظ فجأة نظرات الاطفال بتنهيتا..
تستغرب ليه خطوطهم تهرب من خطوتنا..
تكشف حجتنا سنّه بسنّه تشيل الغمة عن عيننا فنتخض
إحنا الصفوة العلماء ندرك فجأة اننا مش قاهمين ولا عارفين
إن البلد/ الوطن/ الوالد... اللي شقاه فى كتر بكاه وغناه الفاسد
من قلة حيلته قدام العزوه والجاه.. الجاحد..
هذا الوطن/ الشعر/ الوهم- المعتاد
الى عاش الشعرا ف كل تاريخه على كرم الاسياد..
ياكلوا بواقي الزاد... يشربوا مر حياتهم ذلّه ف ظل الامجاد..
.... مالوش فى أجنده بكره..
أيها أعياد أو.. ذكرى..
إلا لما بتاويه الزايغه... تدشدها حجارة مش خايغه
فى إيدين لاولاد!!



الدفتري القادم / ٦ : مفاجأه ..

~~~~~  
الجمع التصويرى لدفاتر العاصية المصرية الخمس : سهام العقاد ، مادل القرباوس



رقم الايداع ٩٣ / ٩٤٢٤

I.S.B.N. 977-00-5955-2

رقم الايداع ٩٣ / ٩٤٢٥

I.S.B.N. 977-00-5956-0

رقم الايداع ٩٣ / ٩٤٢٦

I.S.B.N. 977-00-5957-9

رقم الايداع ٩٣ / ٩٤٢٧

I.S.B.N. 977-00-5958-7

رقم الايداع ٩٣ / ٩٤٢٨

I.S.B.N. 977-00-5959-5

Heba Alexandrina



0695537

716  
28k